



春融堂集卷十九

青浦 王 昶 德甫



杏花春雨書齋集 五 戊申

丙午 丁未

送史誦芬歸吳江



參旗井鉞遍巖疆 君游甘肅最久 重向青門促辦裝 風樹幾年懷馬

鬣 時回南卜葬 關河千里問騾綱 讀書樓迥居偏勝 君有精書 釣

雪灘高夏正涼 問訊休文銷瘦否 謂沈桐 不嫌詩酒共清狂

春雨兼旬讀來殷 欲游杜曲未果 諸詩感題其後并

寄

手挹芳華作寓公 清游無暇苦忽忽 人憐花月時難得天斲  
琴樽句易工 白閣煙巒連夜雨 紫薇坊巷幾番風 雙清心迹  
何由遂寄與春明 此恨同

慈恩寺牡丹盛開中丞同幕府諸人並集

名花開遍鳳城西簇仗鳴騶上客齊風落珠璣生咳唾香浮翰墨走雲霓穠華祇覺春如海酣適俱拚醉似泥總是昇平同樂意攔街聽唱白銅鞮

口號

猿亡楚國竟何緣大索還因壤地連正是星河好時節明朝一騎下藍田

七月十七日夜宿藍田行館半庵見過留飲有作

暫出青門第一程故人解后又班荆爰書初罷三千牘危樓

將盤十二崢嶸灑鼓湖游未遂時以抵暮不及游湖川玉山藍水志將

成半庵因修縣志在此夜闌笑指如珪月看取秋中酒再傾

秦嶺謁韓文公廟

終南太華高插天劃開梁雍分星躔東西綿互迨千里中條太乙相鉤連岐汧商洛亦映帶深山大壑蟠雲煙我昨奉使行藍田南望此嶺心迢然天雞未鳴促戒道將歷阻隘踰崇巔盤旋危磴八九折松杉絕頂飄旌旃文公祠廟倚岡阜丹青棖桷開崇筵下鞍繫馬入階阨香龕燈火昭精禋袞衣繡裳氣象肅垂紳搢珽神明虔當時上疏罔忌諱潮陽瘴癘窮瀛壖蝦蟇螻蛄作飲饌鱷魚牙齒森戈鋌生平學道足自衛俛仰寧止生憂煎相傳雲橫雪擁處湘子幻術開金蓮人天調御尚詆斥肯以怪異歸神仙唐人稗說喜附會好瀆賢哲非真詮鄉農伏臘競趨走歲時簫鼓爭誼闔坐受盼蠻此亦得自與嶽瀆垂千年裴裒再拜行別去且恐疾雨來靈淵況我得失知分定巫恒不用占筵筭神前廟祝出示杯琖之具故用公宿恒嶽廟詩句

由商州赴山陽作

稻香風露滿溝塍差喜農家歲事登秋樹青黃分五色楚山  
蒼翠出千層長征鈴馱原如客垂老壘鹽漸似僧余時最是  
茹素  
漏天情緒惡頻宵寒雨濕行滕

詠商山四賢

四皓洞庭居潔身乃避世迄今角里村煙波入鬢鬚何為商  
洛間高風亦宛在往來建成家應被畱侯累終南有捷徑今  
古同一慨四皓  
朝乘太白雲夕屆含元殿樂事萬方同陳詞類諷諫脫鞵乃  
敢噴捧硯亦何羨行行過楚山峯巒愛葱蒨菑弔園綺亡與  
誰共游宴太白  
玉溪苦依人商顏頻駐足清辭狀絕景崎嶇宛在目收果猿

出林退香麝投谷一時乾驥子同工亦異曲人迹板橋霜朝

來見幽躅義山飛卿皆  
在商州幕府

翰林少英偉騰身入臺閣論古記恢張陳詞動謇諤直道世

難容屢出到商洛一見蓮座書天涯感小畜千載誰知心像

贊長公作王元之謫居商州  
蘇文忠公有贊

棣花鋪道中

梅峯槭峪路透迤秋氣蕭森軫客悲力不禁風黃葉墜色偏  
宜雨碧苔滋仙人種藥畱餘迹高士清游剩舊祠有四  
欲問  
苻菁東下路亂山荒壘戍樓敲

武關

少習山高夕照矚巖關直上接蒼雲道長豈免心千折逕狹  
頻垂足二分自古雍梁稱阨塞當年秦楚屢懸軍昇平不用

九泥守戍析空煩隔嶺聞

苦雨

不信來陰地經過盡漏天灘高翻岸雪雲重壓村煙紅斃凋  
楓徑黃低沒稻田蓬窗官燭底蕭颯更無眠

梳洗樓傍有仙女廟

危逕時時斷疎林葉葉斑路通商雒縣水入夔川關風土仍  
三戶人煙接百蠻羈愁憐野鳥日暮又知還

雒南道中

熊耳連雲棧雞頭舊日封治經秦內史郡入漢宏農溪澗條  
條合煙嵐處處濃丹崖兼白石勝景不時逢  
山木家家伐溪泉處處流空場鳴碌礪密樹語鉤輻負耒來  
何衆誅茅意未休時楚蜀人多在此墾荒詰奸嚴令下哀柝殷層樓

白山陽至夔川關將由漢江行

老去空憐意氣豪羣山俯視等連鰲伏波仍試青驄騎博望  
將凌白鷺濤暮雨欲來雲影亂寒江初落石棱高夔胡褶袴  
生平事誰分悲秋學楚騷

過銀花河

苦竹叢深澀馬蹄山雲忽合雨淒淒繒關傍嶺青楓密槭峪  
分流碧稻齊湘子洞深迷翠靄宜娘寨險接丹梯銀花東去  
猶餘暖時聽清蟬隔樹嘶

上津舖

處處楓林叫畫眉薄寒正是中人時江山莽蒼同秦棧煙樹  
蕭條入楚辭石瀨忽鳴波似雪秋雲漸合雨如絲須添欸乃  
孤舟裏蕩槳聲中唱竹枝

此首存下三百首  
典雅律切

雜俎

柳村舖

清霜點點上征裘策馬真成汗漫游偶為乞漿煩走卒何須  
搥壁問前騶關門無警長眠犬農事初閒已放牛江上人家  
楓樹裏銅鉦早挂屋東頭

煙草花

曾吟煙草

余向在吳中與同人作淡芭菰詞

見煙花澹白微紅數朶斜誰料

風霜蕉萃後絲絲還繞玉窗紗

仙娥碾

石洞中有像設

險絕仙娥碾陰厓一綫縈香煙時杳靄水石近琮瑋山月當

眉寫雲衣擘絮成清涼居士力安穩得行程

編為今廣西提督三德所修

自白水河至藍灘

涼風雖戒寒餘暄尚未變蒸為十日霖濕雲蔽巖礧絲絲點

不開牀牀漏難斷津吏忽來言濁流漲清漢緣溪數尺高洄  
流疾如箭我時仍發船灘灘闖湓淀逆上次藍灘盤渦益颯  
悍殷空雷霆驅觸石冰雪濺遠疑鷺鷗翔近偈蛟蜃戰長年  
盡呼嘯小使劇顛眩出險乃斯須安危竟一綫我生鶩遠游  
所適駭聞見清浪暨江門性命付夢幻獨憐挽船郎百丈累  
魚貫衝雨午未餐力盡泥沒胼

兩河關

在洵陽

前山忽露夕陽紅一道谿流兩處通河畔扁舟真似畫筠篙  
斜纜小玲瓏

聞陞任雲南之命

足迹何能遍

時欲往興安

頭銜幸已遷計時將十載新任莅三宣

城郭昆明地雲山洱海天詰奸猶未竟欲去轉流連

至韓城望龍門形勢  
兩崖對起高崢嶸。巨靈雙蹠空中行。懸流千仞快一瀉。雷輞  
電激何能平。當年文命奠水土。役夫百萬開縈紘。風輪鼓盪  
氣迸涌。地勢長向東南傾。伊列自通鄂。勒索金沙別自趨。窮  
瀛西域三十六國水。悉由北戒時虛盈。河從火敦淖爾下。散  
漫點點疑晨星。雪山鹽澤衆流合。沙漠九曲交縱橫。蘭州寧  
夏出復入。賴此約束歸方程。我來霜後水正殺。白沙沿岸生  
晶瑩。想當伏秋新漲日。兩涯莫辨奔訇轟。并涇包衛走豫竟。  
得不潰。決懷襄陵。雲梯關口矧淤墊。芟薪竹槌徒經營。邇年  
屢決復屢塞。乃荷聖德通神明。徘徊眺賞日將暮。半巖祠  
宇畱丹青。馬遷遺迹誰所刼。清娛旁侍還娉婷。河東河西繡  
壤錯。隔岸蒲坂連洛城。萬千苔碣豈勝數。籀書繆篆垂碑銘。  
龍鯉遙蹇騰

過新豐

孤筇他日擬再經。層樓飛棟開軒楹。終風凍雨送飛瀑。坐看  
龍鯉遙蹇騰  
未央宮闕久淪傾。小市仍畱舊日名。傳說寢門猶擁篲。何堪  
戰地欲分羹。粉榆雞犬衰年樂。芒碭風雲故國情。往事尙存  
沾酒處。一帘疎柳夕陽明。

至青柯坪欲登蓮花峯風雪不果

宦游三載長安住。玉女明星見朝暮。無因結襪上蓮花。一覽  
欣同鴻鵠翥。秋來奉詔移昆明。展覲先令趨神京。寒空  
蕭颯過此麓。快意積願今能成。芒鞋早過希夷洞。再歷雲臺  
截高棟。盤旋直上半山坪。青柯巨壁當其空。茲坪赤立拔地  
開千仞。三面高崔嵬。解索劈斧畫難盡。驚猿瘦獮何由階。迨

迢一綫如懸縵上界蒼龍貫天井僕夫賈勇欲先登予亦蹇  
衣思躡景同雲漠漠金烏斜北風捲地揚塵沙衆峯突兀渾  
不辨雪片如掌飛天花鴛馬頻嘶驚獸竄導人勸勿矜精悍  
空作文公訣別情且從墨子迴車歎須臾徑寸已成冰鳥道  
崎嶇豈得行勝游自有因緣在願力雖勤未可憑邈邈河山  
同一色此時風景誰人識安得吳興黃鶴樵直挂生綃彈粉  
墨

黃叔明有泰山飛  
雪圖事見畫史

### 過平定州有感

一線添初日雙浮望遠山少看風色定未覺道途艱煉石傳  
仙竈聞笳說故關侯芭今不見訪舊淚潛潛門人王進士疎  
典以才學稱下

### 故關

鴈陣寒偏緊驟網晚更催路盤三輔近關接萬峯開形勢當  
天險蒼茫失霸才生平來往熟不覺成笳哀

### 聞竇東臯先生光緒復官

風采生平動紫宸忍看培克到疲民情當孤憤身何惜勢  
到艱危志竟伸自是轉圜繇黼座獨憐掩淚徧冠紳小懲  
大戒非無補聞說南邦氣象新

### 瀛臺觀冰嬉

雪霽雲消小隊開依然昔日侍蓬萊毬門弓矢三番接畫  
舫旌旄五色裁汲黯淮陽常有願賈生宣室愧非才明晨又  
逐南鴻去鷓鴣何時幸再陪

### 曹竹墟侍郎招飲話舊

三年別夢一樽同話雨纏綿未易窮衣染風塵常作客鬢霜



霜雪久成翁深叨孔李交情厚令兄中履侍御坦辛已會試子所取士更羨楊  
劉物望崇分手明朝仍萬里京華回首盼飛鴻

茶庵三絕時瑞應重暉相送於此

下得肩輿夢乍醒又煩軟語共叮嚀豈知粥飯茶魚地常作  
勞勞送客亭

屈指殘年六十三秋霜兩鬢更鬢鬢盧溝冬月西風緊萬里  
滇池送曉驂

晨星落落故人稀裙布釵荆兩地違誰識此時情緒惡風吹  
微雪上征衣

真定寓梁氏秋碧堂蕉林相國故第也感成四絕

北戒河山湧翠巒太行秋色照檐端昇平休沐多清暇暮靄  
朝雲挂笏看

逢時密勿著綸扉汲古憐才近亦稀收得牙籤千萬卷法書  
名畫映簾帷

晚年石墨喜鐫華真蹟鉤摹十數家幸有侍郎能好事倩人  
磨洗出塵沙相國刻秋碧堂法帖未成而卒其石覆在廊西絕無知者金檜門侍郎督學京畿過此發而視

之乃屬太守洗揚遂行于世  
名臣世澤絕堪哀不見阜蘭叱馭回相國孫調人名用梅為子門人嘗攜此帖相贈

後為甘肅知縣今亦下世圖史凋殘彝鼎盡誰憐貞石委蒼苔今詢此石已移往他處

順德

征車役役歎塵勞遙指巖城已近濠平野沙乾浮白籬古城  
霜重亂黃蒿飢鴉背日歸村急羸馬衝風望驛號欲覓新筇  
謀一醉疎林已露酒旗高

秋帆中丞邀至開封置酒觀劇有作

清灞分襟乍判年官齋把琰更欣然人懷折柳時時別詩聽  
甘棠處處傳季札又來觀樂地義山終憶大羅天終南仙館  
猶如故風月何人棹酒船

襄城早發

統如戍鼓未停搗馭卒諠呼促上車芻豆槽空號瘦馬鐸鈴  
聲急警棲鴉蹊迴未識津何在月暗難尋路幾又龜手已同  
泝緝凍梨那更撲霜華

除夕宿建陽驛

龍坡湖畔卸行鞵兩雪蕭條倍黯然竹屋紙窗清不寐春燈  
臘酒了無緣飄零八口音書隔蕉萃三冬道路懸獨對鄰牆  
修竹外疎梅兩樹鬪嬾娟

時家春從  
四門赴滇

望荷葉山懷明袁中郎兄弟

達材經世宙畸客營衡廬所適判大小樂志原無殊亭亭荷  
葉山下映柳浪湖雲嵐共渺瀰竹樹交扶疎占此瀟湘景聯  
築棧鄂居伯修官春坊畫省依香鑪中郎來錦帆仙令飛雙  
鳧性情各蕭澹素尚歸菰蒲琴書親位置農圃商耘鋤往還  
雜詩酒問答兼樵漁中年愴朝露名譽傳荆巫今我過楚北  
冰霜上籃輿清游未獲踐懷古滋躊躇當時論詩旨刻意歸  
白蘇苦吟轉蚪竅正類山澤癯風騷卽弗逮麤厲畧以除吸  
光并飲滌靈秀良非誣

常德晤錢通政東注

禮時督學湖南

三年不見歎晨風客路題襟感慨同白簡飛霜存諫院青衿  
化雨徧鬢宮上方請劍驚頑懦出使埋輪效樸忠祇惜燈殘

秋帆中丞邀至開封置酒觀劇有作

清灞分襟乍判年官齋把琖更欣然人懷折柳時時別詩聽  
甘棠處處傳季札又來觀樂地義山終憶大羅天終南仙館  
猶如故風月何人棹酒船

襄城早發

統如戍鼓未停搥馭卒諠呼促上車芻豆槽空號瘦馬鐸鈴  
聲急警棲鴉蹊迴未識津何在月暗難尋路幾義龜手已同  
并緝統凍梨那更撲霜華

除夕宿建陽驛

龍坡湖畔卸行鸚雨雪蕭條倍黯然竹屋紙窗清不寐春燈  
臘酒了無緣飄零八口音書隔蕉萃三冬道路懸獨對鄰牆  
修竹外疎梅兩樹鬪嬾娟

時家春從  
四川赴滇

望荷葉山懷明袁中郎兄弟

達材經世宙畸客營衡廬所適判大小樂志原無殊亭亭荷  
葉山下映柳浪湖雲嵐共渺瀰竹樹交扶疎占此瀟湘景聯  
築棣鄂居伯修官春坊畫省依香鑪中郎來錦帆仙令飛雙  
鳧性情各蕭澹素尚歸菰蒲琴書親位置農圃商耘鋤往還  
雜詩酒問答兼樵漁中年怡朝露名譽傳荆巫今我過楚北  
冰霜上籃輿清游未獲踐懷古滋躊躇當時論詩旨刻意歸  
白蘇苦吟轉蚓竅正類山澤癯風騷卽弗逮麤厲畧以除吸  
光并飲淥靈秀良非誣

常德晤錢通政東注

禮

時督學湖南

三年不見歎晨風客路題襟感慨同白簡飛霜存諫院青衿  
化雨徧鬢宮上方請劍驚頑懦出使埋輪效樸忠祇惜燈殘

言未盡詰朝分手又西東

沅陵道中望壺頭山

形勢壺頭峻人煙下雋餘喬松雲外雪春水欄中畚直道憑  
朱勃讒言恨耿舒明珠非物產懷古更歎歎

晃州驛大雪曉行

北風厲發戰松篁曉起飛花滿石廊一夜盡封紅葉徑千層  
齊現白毫光冰凝馬路蹄將脫冷逼狐裘指欲僵却聽驢網  
煙樹外霧濃月暗怨歌長

初至雲南使署

又持使節到昆明十六年來氣象更鹽井銅坑供轉運金沙  
鐵壁樂屯耕蠻方易簡非難理吏牘勾稽恐未精差喜春秋  
風日暖好將衰病養和平

得四川家書二首

蜀棧秦關得得行近聞小住錦官城誰知吳下香閨伴也歷  
西南萬里程

千山屈曲七星長橋名蠻草蠻花驛路荒料得此時寒食雨腰

刀帕首見官孃蠻人稱土司妻為官孃家眷由陝入川由川

出寨迎接

汪殿撰潤民如洋視學臨滇賦詩見贈次韻奉酬

京雒題襟近歲殘又聞使節度桑乾雲霄譽望推三絕華萼  
聲名重二難謂念孫哲兄金馬新霑文化遠銅龍先直上書房舊直

主恩寬誰堪頭白淞南客贖欲投間作橋官

舊游詩什數羊何初日芙蓉謝琢磨敢謂定文侔敬禮自看

新格重元和時以尊甫厚石吏部詩集索序故園風味歸詞卷題余三柳漁莊詞最工

垂老心情示貝多承以書金剛從此官齋清暇日陽春長得

奉聲歌

朱秀才林一桂自橋李來訪畱宿官齋有作

滇海鴛湖萬里程擔簦相訪見深情自憐衰病終無補敢謂

文章老更成菰米秋風懷故里杏花春雨念歸耕虞文靖詞

歸也杏花春雨江南嗟君潦倒頻年甚頌酒譚詩氣未平

余所到輒以此名齋輯銅政全書有感

莊山鑄幣古來稱開竈滇南數倍增萬里程途喧輓運四時

鉅鑿衆凌競米薪貴賤原無定砂礦高低合有徵採掇羣言

資考證金曹他日免模稜

得楊進士西和書時主武昌書院講席

飄零書劍隔江濱寄我長箋別思殷幾歲關河勞遠夢何時

風雨共論文渚宮遺事增新詠楚國先賢續舊聞更憶青袍

如鶴立譚經考藝正紛紜

寄壽子才七十

塵海嬉游七十年任人喚作老神仙西冷未肯隨和靖南徼

偏能訪稚川時游羅浮膝下已生新玉樹閨中猶賸舊花鈿牛腰

詩卷知增富再付侯芭次第鐫

雲南布政使署雜詠

梅花書屋

蕭齋晚照餘稍喜塵蹤斷眷此如玉花殷勤對几案

禪悅齋

生平嗜名理適獲清淨居宴晦微香夕同誰說真如

後樂軒

畫諾竟何功俸錢良自愧獨聞甘雨零差喜秋成遂

譽處堂

燕安寧自適老病又何思踣壁空堂臥常思阮德規

詠絮齋

炎荒冰雪稀祇有疎華映還惜謝庭空無人寄清詠時女粹卿先逝

杏花春雨書齋

寒雨杏花謝江南春色殘憑將羅帕淚一曲問吳蘭見蛻庵樂府

紫霞書屋

偶招青雲侶共契紫霞想絲竹間燈毬忽憶鈞天響書屋中聯云竹

塢桃蹊喜花月滇南選勝同娛暇日銀燈玉笋記煙波趙北

賡歌會侍鈞天蓋庚子上元扈蹕至趙北口特命觀

優鉢曇華亭

靜境阿蘭若名花優鉢曇往時畱雪爪寫向小屏南余往為廣庭先

生賦此花書於亭上

浮翠亭

五華暨太華面面煙嵐綠不上最高亭何由窮遠目

風漪檻

曲檻危亭對虛窗小渚幽游魚明鏡裏低映蓼花秋

佇月廊

遙迴草樹繁候晚煙霜靜坐待月華升露溼荷裳冷

清侯井

古井寒猶漲孤亭久盡傾疎梅叢竹裏心迹緬雙清

聞來殷學士計學使任

忽傳凶耗是耶非知己傷心淚滿衣文采共推徐孝穆風流

誰似謝元暉少攜詩酒同青翰長侍星辰入紫微今日羅浮

仙去路何人收入盡珠璣時屬補山制軍輯其遺稿

古共寒廣通道中入蓋則

淺滴槐陰露微寒柳葉風魚鱗收宿靄鶉尾展遙空月映層

巒碧燈深小市紅天然圖畫裏詩筆信難工

行抵楚雄得 旨以年老多病雲南距本籍較遠移

任江西恭紀

碧雞坊下雨濛濛忽奉 恩綸下 紫宮六十年餘仍瘴

癘七千里外惜疲癯花明湓浦人重到江接句吳路易通更

喜前籌今已竟昨聞貢使過岡東時緬甸已來入貢

往在長武遇李制軍嶽麓 侍堯 忽誦子龍尾關詩怪

而問之云茲詩石嵌在大理官舍壁上聞係學使孫

令儀嘉樂所刻今過此關視之果然蓋令儀為予會

試所取士常求子在滇篇什子錄而貽之不知其出

使時攜以南來刻于此也為之撫然著手摩挲因題

一絕

當年五字記從戎忽見貞珉刻畫工聞說行人常洛誦也應

勝似碧紗籠

過大理驗緬人貢物提督烏君大經畱飲園亭

有作

南金象齒見蠻官軍府招畱竟日歡十載聲靈真赫濯三宣

耕鑿永平安人如萍梗誰能定迹託苔岑別亦難痛飲還須

澆大斗醉聽座下響飛湍亭在澗中石如錐齒削平以大理石鋪其上其下泉溜鏘鳴雨後尤

厲

暮雨望點蒼山

關風伏雨天濛濛。我行回至鄧。駭東龍尾關前。午駐馬。高閣  
直上開窓。櫺翠巒廿九。紛窈窕。溪流十八。交冲澗。朝煙暮靄  
各縈帶。陽巖陰谷。殊龍葱。候人謂此。亘百里。蒙氏中嶽。加崇  
封。升香薦幣。勤祀典。甘和應。候徵年。豐珠林。蘭若互相望。靈  
區晝靜。聞巖鐘。是時長羸。正屆節。蜀鵲百本。殷繁紅寶珠。如  
杵照欄檻。紫藤屈曲。纏蛟龍。山坳文石。畫水墨。霏藍潑。墨兼  
蒙茸。或如梅花。半映月。或若芝草。齊翻風。叢林官署。盡壘砌  
竟以人力。誇天工。去來屐齒。限險遠。安得名勝。探無窮。惟聞  
岑樓昔寫韻。新都蹟在蒼。琅峯窮荒。竄謫尙嗜古。前賢芳躅  
疇能同。泥塗澆濁。苦厲揭。一杯懷古心。忡忡牀牀。簷溜暮更  
急。千巖瀑布。飛長空。下注澗戶。入西洱。波羅江外。鳴琤琮。

纂成銅政全書有作

剔穴開巖藏去聲。漸虛銅官積弊。况難除。莫嫌多出鈔胥手也。  
是西南未有書。

別昆明作

絕徼民風古樸多。莫須束濕莫催科。臨行要語諸君記。安養  
生全保太和。

連宵絲竹惜分襟。蘭若薰風酒又斟。遙指清華池畔水。算來  
難比別情深。時諸君復餞望海寺

持節牂柯只歲餘。愧無德意到窮間。鷓鴣哨外濛濛雨。又捧  
名香送使車。

版橋

版橋著名有三。一在金陵。說元暉有詩。出新林。向版橋者是也。一在商州。溫飛卿有人迹板橋霜之句。一在昆明。楊用修有詩。



版橋三處並經行斜照東風送客程今日新林還跋馬數株  
楊柳倍關情

關索嶺

大關索嶺高插天小關索嶺噴飛泉右手石壁削百尺炎風  
凍雨來山巔亭侯當日不到此索也何自從囊鞬或言諸葛  
度瀘日驍勇常作諸軍先緣巖鑿徑出林杪一綫下繞蛟龍  
懸圖經雖缺史已佚險厄猶在人爭傳我行况值新雨後蠻  
丁百指聲謹闐蟻穿九曲雖得下詎免爾足還頹肩茶檣小  
憩更回望半空雲霧猶盤旋

行次貴陽汪又新方伯

新邀寮佐迎餞時提督許君

世亨由臺灣奏凱還黔同席

冰厓雪洞啟長筵舊好新知共益然上將威名收海嶠詞臣

文采耀星躔

時學政吳蓉塘壽昌在座

比年握手逢迎數浹日談心意氣

聯酒半忽聞馳驛騎

溫綸同喜又朝天

擬寫

批令恩

觀

再過飛雲洞

飛雲巖石幾時飛朶朶終年伴翠微出岫自慚渾不定何年  
真望故山歸

鎮安蔡太守

宗建

招飲

疎簾曲几暑風清雪椀冰壺喜共傾到處知交情意密長年  
作客往來輕蠻歌啁啾陪歡笑谿石嶙峋感贈行

太守以舟輕取武夷

二石以壓之

他日登臨如見憶中和巖畔省題名

七夕寄渚紅

前得家信知六月十二日抵鎮遠計今可到南昌

小別黃梅雨涼颼又悄然一鉤銀漢月雙槳楚江船風露何

曾慣煙波祇自憐花洲風景地計日可沿緣

辰州途次

濃陰深處語鈎輈小西山前早放舟雨澹遙峯青似黛溪迴  
新漲碧於油日烘蘅杜香樵徑雲入篔簹掩寺樓多少玲瓏  
三品石不容米老更旁搜

至常德聞荆州江堤潰決改道長沙有作

扁舟下衡陽慘澹風色變濃雲互開闔暑日屢隱現頗疑炎  
暘時水氣奪晴曛忽傳荆門堤驟漲極凶悍激湍城郭頽惡  
浪魚龍亂洪濤敗衙署餘浸絕炊爨異事古所稀災稜駭聞  
見得毋吏治非降沴示禍患飛章上九重瘡痍塵宵旰  
俞君提督謂我言驛路經旬斷迂塗由長沙行程庶可算登  
樓試憑欄千里驚汗漫滄江南入湖色眩青黃半本嗟行路

難更切憂時歎豈能娛絲竹時俞君招飲觀劇方戒涉險難呼僮理  
戩楫聊用具毳飯

登龍陽館舍後園

小有林亭勝清晨結襪游雲山工遠勢花竹作新秋風露殘  
荷在村莊早稻收徘徊故人筆遺恨滿山邱扁為梁少司空冲泉書

卽事

輕巒淺嶂日初銜遠見秋空數點帆正是湖田涼氣早柳陰  
珠露滴羅衫

水近滄浪路不分蠡湖西下水泐泐當年供奉曾游此欲問  
風流向楚雲

未得銀鱸上釣鉤柳塘空自泊魚舟青菱雪藕齊登市更向  
煙村問橘洲

嶽麓書院贈羅少卿徽五三十韻

清江迢迢似帶橫亂帆片片如雪輕荒灣短渚一棹權却望  
 樹杪飛高薨津人指點書院古欲訪徽國瞻前型芒鞋著落  
 恐滑澁短杖搯石愁伶仃鴻臚少卿我舊好麗眉宣髮雙瞳  
 青千里相思正耿仄卅年憶別懷芳馨相攜連襪入講室皋  
 比斯鼓懸前廳湖湘上游古所重文公昔日來綏寧惠威孚  
 洽果不爽洞獠聽款無畱停長沙士子夙好學至是全集歸  
 礮礪南軒舊蹟稍薙廢更擇爽塏開堂扁我冠裳帶備禮法  
 講道論德除昏冥別置額員厚廩給方冀文學隆湘鄙煥章  
 忽召僅半載操縵未滿生徒聽知公英爽常顧此所願後世  
 承儀刑朱子除潭州安撫誥詞云仁心仁聞成惠孚洽年譜云長沙士子夙知向學及是學士雲集又云洞獠侵擾論降之改建嶽麓書院本樞密劉公因南軒之舊而更今新之別置額員其廩給與郡庠等八月除煥章閣待制

君解蔽踰二紀老成何異垂晨星鄉大夫職本應爾撞鐘攻  
 木聲春霆况聞丹鉛不輟手考義往往窮羣經前賢遺教定  
 可繼道味洵足祛羶腥自來經師率老壽願養會見登遐齡  
 我昔奉使按江右側聞鹿洞依峇嶠豈知守牧奉故事規條  
 具揭誰能聆生徒列舍頗闕茸書冊度閣徒飄零力思整頓  
 尙未得輒以憂去心怦怦喜君蛾子善時術豈無傑士揚  
 王廷俄頃中廚出雞黍小飲亦復陳湘醽日斜酒罷未忍去  
 再看菡萏干娉婷時君仿濂溪意闢地種蓮數百本花開甚盛

臧觀察榮青衙齋夜集

湖水湖雲繫短檣重來把臂笑言諱白鳥赤雀俱稱瑞碧芷  
 紅蘭尙作花曲罷不知人欲別酒闌猶認客爲家觀察子爲子弟南明  
 之分襟又向楓林去回首層樓隱暮笳

蒲圻舟中山水清遠偶成四絕

扁舟東下水雲閒  
斷澗橫溪暮靄間  
身在藕花萍葉裏  
船頭又見小梅山

鷺鷥鷓鴣各成行  
更有涼蟬噪夕陽  
一頃紅蓮稻名將次秀  
微風吹送稻花香

秋日城湖分外清  
斷雲殘雨總關情  
柔波如鏡明如鏡  
合與詩人晚濯纓

楚天風物易銷魂  
湖外人煙浦外村  
依約青帘疎樹裏  
與誰沽酒仿窪樽

東湖夜泊

一碧渺無際  
秋潮近夜來  
蒼然雲夢月  
正對翠屏開  
煙樹連吳會  
風騷憶楚才  
仙人乘鶴處  
回首望樓臺

懷程荆南卽題其松寥山館詩後

淡雲遠漠漠  
疎雨方蕭蕭  
扁舟過澗浦  
清泉路非遙  
佳人歎早逝  
玉佩難相要  
行旃詩數卷  
愛惜伴瓊瑤  
蓬窗偶微詠  
依然見風標  
性情寄孤耿  
素尚離塵囂  
幽芬溢研席  
雅韻分蘭茗  
獨念仕楚南  
煙水清而超  
定於種花暇  
哀怨親風騷  
所恐冰雪文  
日久雲煙消  
棣華定無恙  
謂令兄沅應與同傳鈔  
續茲山水集  
永永存松寥

至武昌寓江漢書院見楊西和史誦芬吳學使泉之

亦至

雪浪橫江斷  
客舟喜同勝  
侶晚登樓最  
憐鴻鴈哀  
中澤尙有魚  
龍混上游  
昏墊難辭官  
守責宣防深  
荷聖明憂金錢  
百萬來天府  
已遣元臣重  
借籌

已近中秋暑未清八窗盡拓待涼生經帷尚有絃詩侶時西和為  
院長方注杜詩旅館誰殷授粲情謂誦世事蒼茫魂欲斷故人憤激  
意難平漢陽滅沒雲濤裏難雇驟綱問去程

恨這箇關

古道塵沙靜方城戍堠長岡巒分北界形勢接南陽晉楚干

秋事吳曹百戰場欲求攻守蹟故壘久蒼茫

過信陽州懷明何大復先生

淮水秋透迤楚山曉婉變地在中原中秀靈篤名彥先生幼  
神奇聲華動文苑時值詩教衰榦材竊詞翰振袂挈空同高  
標溯兩漢昌穀差隨肩華泉寧足算聿承騷雅宗遺集信可  
案後來肆譏彈蜩螗互鳴喚況傳節義高更益詞章煥直諫  
辨僉王上書斥奄宦奮身抹友朋貶謫豈所患用此表藝林

庶皆立貞幹今茲過其鄉懷古輒三歎安得許子將許劭亦南陽人  
名言定月旦

夜行

正喜行程勝寧謀卽次安况逢殘月影已挂碧雲端燈火村  
春急風霜戍鼓寒遠山蒼翠外斗柄已闌干

良鄉道中

遠火催征騎清霜點敝裘西風三角激殘月半輪秋祇益衰  
年病頻添旅客愁惟聞僣從喜明日度盧溝

兩間房作

朝來懷抱不勝情却指東華僅兩程終是旅人憔悴甚曉風  
殘月便淒清

關河秋早起微寒楊柳陰中白露團疲馬不須加短策西風

落葉打征鞍  
粉粥香資棗栗俱  
村僮闌路遠相呼誰知往日鶉觚客又入  
幽風小樣圖長武舊鶉觚屬幽州

層穹絕壁帶沙汀  
每遇潺湲駐馬聽  
自是生平山水僻  
塞垣蒼翠愛重經

熱河召對恭紀

山莊秋霽奉傳宣  
溫旨頻承倍往年  
豈有詞章叨拔擢

詢及當時殿試愧非德器荷陶甄  
涓埃莫報才先

盡瘁癘雖除病未痊  
最喜暫時陪侍從  
翠華影裏屬橐鞬

時隨侍進京

遙亭

山勢遙連塞人煙本近畿  
雞鳴桑下屋牛臥棗間扉  
雨後場

初築風高葉亂飛  
石渠清見底正擬浣征衣

紀曉嵐少宗伯招諸同年夜集

萬里歸來謁紫宮  
霓裳仙侶此宵同  
分離既久情難盡  
振

觸多端語不窮  
琴鶴無能宣化雨  
尊鱸有夢待秋風  
西江幸

與東華近時盼音書寄楚鴻

白溝河是日霜降

西風欲起澹斜曛  
白草黃沙望不分  
聞說昨宵霜信到  
已看

寒意滿山雲

東光驛

雞唱開朝旭  
鴉啼警夜霜  
菰蒲雙淀迴  
樺柳十圍長  
屋繫黃

團重鑪煨紫芋  
香晨餐猶未得  
且與乞壺漿

新橋驛

渺渺秋霞盡，脩脩夜色澄。已聞村戍柝，少見驛樓燈。酒敵風  
霜苦，香從翰墨凝。壁有徐壇長行書甚工塵勞何自解，睡思已瞢騰。

柳泉

亂鴉哀鴈峭寒天，燭影幢幢宿柳泉。屈指一年行萬里，明晨  
又上楚江船。

濠梁驛

曉發濠梁驛，煙波望不窮。蘆船帆上下，茅屋路西東。村店三  
叉隔，人家二圃空。簪簪隨處有，魚樂亦難終。大亦

紅心驛

衰草寒蕪驛路荒，茸裘已敝不勝涼。丹楓烏柏紅心驛，始覺

淮南早降霜

自清流關至醉翁亭二首

青蘆黃葉遍巖阿，如此稱關豈足多。莫怪歐公誇武畧，劍門

雲棧未經過。

空亭寥落接雲煙，琴石梅花迹宛然。可惜蒼龍能嘯月，子家有蒼

龍嘯月琴乃北宋  
雍熙二年所造未經攜取寫流泉。

至江寧同年劉方伯松崕增袁觀察春圃鑑招飲瞻

園

舊雨晨風判歲年，題襟把袂各欣然。園池最好中山第，樽酒  
偏宜小雪天。黃菊未殘猶旖旎，青燈半地尚畱連。匡廬雲樹  
秦淮月，政績他時得並傳。

太湖道中

拂面難禁料峭風，秋陰漠漠水濛濛。轉灣添得淒涼景，柳葉  
微黃蓼穗紅。

楓香驛

風雨曉淒淒驚禽咽又啼  
拆殘深巷北燭燼小窗西  
春酒寒  
莖下鄉書淡墨題  
楓香亭外路半蒞玉驄蹄

五祖山上有池生蓮又名蓮峯

少誦杜陵詩白業師祭可余亦慕黃梅皈依願已果  
今經破額山招提近道左昨宵微雪零巖境浮雲鎖  
林稀翻宿禽霜重落松果惟聽精舍鐘遙趁郵亭火

潯陽驛

水接長堤路風寒小雪天  
九江真縹緲十載更河沿  
碓響前溪屋柳鳴隔浦  
船昔游殊草草重到意條然

德安

敷淺原邊路煙巒入畫圖  
關津西接楚舟楫北通吳  
雨霽雲

猶濕泉甘草未枯義豐山翠裏已見驛樓孤

關恤

關恤非無策流亡未有家  
尙虛營版築時沿江被水傾倒者尙須修葺何以  
度年華殘雪餘青嶂荒田壓白沙  
黔敖雖有藉蒙袂更堪嗟

鄱陽

漲後村墟少寒深雨雪多  
飄零餘鴈戶慘澹對鷗波  
中地猶求緩全荒忍再科  
來牟還未植春熟更如何

入廬山自黃巖至開先寺望峯下瀑布僧云嚴冬凍  
合不得見也留題而返

香爐峯在開先上遠亘白虹三百丈嚴冬凍合挂長空  
不值冰車殷去聲地響匡廬瀑布天下奇  
輓雷濺雪空中馳眉山蠶

尾均傑作欲與供奉爭參差而今勝事何由見  
姑酌寒泉資



茗戰相約明年暑雨行來看蛟龍關深澗山泉故道寒泉  
 棲賢寺夜宿  
 霜濃月亦苦朔吹宵尤寒沿緣入梵刹始得開心顏香廚出  
 盥漱蔬筍供盤餐飯餘攬夜景列岫遙迴環嶄然五老峯離  
 立青雲端松杉數百本影作蛟螭盤山僧示舍利寶色猶斑  
 爛真贗豈足論供養期無殘相對道心寂投榻從茲安杳杳  
 地籟淨隱隱鐘魚闌微聞階下泉敗葉相淙潺

晚至歸宗寺飯有作

山色暮蒼然微陽在層嶂瀏瀏緒風寒漠漠凍雲漲聞鐘趨  
 招提稍見禪燈颺茲傳右軍居方池尚流漾長廊遵透迤妙  
 墨樞跌宕還禮佛前香頗悅伊蒲餉山僧兩出迎清譚獲諧  
 暢空林法鼓鳴遠火前騶唱勝踐虛宿因宵征愧塵障回瞻

金輪峯清景渺千狀

臘月二十一日招翁學使振三及曹仲梅康鈞家若

杏花  
 農金寶函鴻書施錫蕃晉江子屏潘汪上章庚吳照

南照何夢華元錫諸君小集

官齋鎖印趁閒身蕙草香中笑語親澹月微雲風景別春燈  
 臘酒歲華新總持儒雅歸名彥請學嘯傲溪山屬散人請仲  
 君勝事良辰難並得擁爐勸飲莫辭頻

卽事

么鳳聲聲夢已殘又看翠竹影團樂起來小啜釵頭茗偏喜  
 西窗送嫩寒

歲暮消閒意味長更無鈴索響迴廊山僮莫訝銀鳧冷正愛  
 梅香與蕙香

春融堂集卷二十

春融堂集卷二十

春融堂集卷二十

春融堂集卷二十

春融堂集卷二十

春融堂集卷二十

春融堂集卷二十

春融堂集卷二十

春融堂集卷二十

春融堂集卷二十

春融堂集卷二十

春融堂集卷二十

春融堂集卷二十

青浦王和德甫

杏花春雨書齋集六庚戌 巳酉

初八日復邀振三及仲梅諸君官齋小集

頌椒剪韭近初春初九日 立春又向蕭齋集上賓小院鑪溫梅蕊

足長天雪霽月輪新江湖秀合文章聚吳楚朋來意氣真轉

益多師裁偽體西江詩派好重論

題余伯扶黃鶴樓卷卽送入都

仙人一笛橫高秋我曾躡屐登其陬闕干十丈插斗牛俛仰

江漢疑浮漚黃塵剔黝歲月迺大颿北渡乘奔流回望詎免

勞心妯遜君浩蕩真鳧鷗選勝矧復偕鴻儔西和稽古譚姬

周誦芬下筆驅曹劉君亦騰蹕超驂駟振衣脫帽風颼颼荆

門郭渚一覽收慷慨懷古長吟謚畫史再倩張僧繇尺幅宛  
帶煙雲浮榻來日躔鄰降婁訪我官舍存瀾縵輕裘將傲蘇  
季裘傳教誰問張憑舟舉圖出示辭咿嚶欲得詩句珍瑋琇  
嗟我垂老行歸休詎能筆力回戈矛昨者萬里來西洲登臨  
差足誇前修滕王江閣黃鶴樓岳陽萬頃堆蛟虬江山如此  
冠九州惜不連襪窮雙眸鯢鵬並作逍遙游君今僕馬指薊  
邱射策定擬居上頭八九習吞何所憂三千鳴止期相酬

題宋綿津先生留開先寺小照次原韻

披衿脫帽自孤清玉貌傳來歲月更知是安心歸法喜不須  
漁弟與樵兄

滿逕松杉圍夜月半溪冰雪咽寒泉樓賢我亦曾投宿學道  
輸公一著先

憶舊寄禹卿

小長干與小秦淮每憶生平步履借絲竹尙耽三閣曲香燈  
久奉八關齋最憐幾載音書隔終惜雙飛羽翼乖臨汝新來  
無恙否冬郎東有玉樹已長埋懷子才並

韓明府暢歸太湖屬訪明蕭伯玉春浮園故址

扶輿祕清淑聚爲人中仙性情託山水吐納含雲煙廡仕非  
所願林麓爲因緣我慕蕭太常夙慧研丹鉛結佩歷清要晚  
隱柳溪邊松篁旣茂密島嶼相洄沿如螺小翠黛倒影當清  
漣俗無門外客配有閨中賢繙經香漠漠放梵禽翩翩滄桑  
蹈行邈旋以歸人天昔讀春浮記望遠時悠然茲來游未遂  
忽忽心旌懸君今令其邑仿古信所便名園想無恙花月猶  
芳妍作書來示我舒我情悁悁且爲勸後嗣文史勤承先

南昌北蘭寺中有綿津書屋蓋牧仲先生撫江西時  
嘗率賓僚觴詠於此故名今扁額雖在遺迹渺然適  
余過廬山獲見先生小像令工摹繪供於斯屋并借

汪書年蔣藕船知讓家若農貧蘋藻焉

最憶西陂老長依竺法蘭清游仍往迹野寺俯迴湍蘋藻真  
宜薦香鐙取次安高風千載慕非獨愛煙巒

玉貌存初地摹來著此亭定教虛室白坐對遠峯青月映尊  
前燭雲移竹外星攜朋歸路近法鼓隔林聽

將去南昌重游煙江疊嶂亭題壁

屢思京職敢求安總為衰慵報稱難何幸又隨鷓鴣侶長聽

玉漏侍金鑾時以刑部侍郎召用

虛亭深屋繞迴廊雙鬢重來盡著霜如此江山仍話別何時

掃地更焚香

烏衣畱客正呢喃南浦離魂更不堪可笑東君歸緩緩好風

先與送征驂時立夏係四月十一日而予於初四日起行

開過梅花又杏花緗桃穠李更繁華茶蘼風裏重回首更惜

將離數朶斜

自德安循廬山至九江作

曉霽遵江行江平風亦善沿緣敷淺原柔波淨如練雲中五  
老峯依依更相見相見未忍別祇覺離愁縮并懷鹿洞前青

衿習文翰靈區雖可思赴召豈容戀維念三峽橋銀河挂

天半懸厓雷霆驅赴壑蛟螭變良游昨已約勝地何由玩渺  
渺柴桑村煙嵐倍葱蒨所以十八賢辭榮愛蜚遯今茲過未

能拄笏屢悽歎興盡日欲斜潮回響葭亂靜聽鼓迴帆言就

魚蝦飯

重過潛山

四面煙波一葦杭江城風景未全荒繞籬藤茱垂垂紫隔蘆  
臺心冉冉黃珠璣鳴場將刈麥桔槔厚水待栽秧白沙翠竹  
鄉村小又有幽人葢草堂

靈壁道中

廉纖雨過水雲昏黃土青蕪半掩門誰識田家生計苦捕魚  
放鴨養雞豚

荒灣斷港水如煙初過黃梅五月天十頃荷花猶未放柳陰  
已繫采蓮船

楚雲淮雨澹將收換罷輕衫更倚樓騶子催行還不忍故人

詩句在牆頭

壁間有朱石君吳  
冲之諸人詩句

莫道滕縣所見

遠山如笑復如顰不見花開白似銀用李長  
蘆句却羨鄉村風物

美蒸梨炊黍餉西鄰

兗州高太守佩絨

官壘  
留飲署中話別

香凝畫寢正清和拂拭緇塵跋馬過兩地相思言豈盡一樽  
共對飲亡何馳驅已老功名薄鬢髮全彫感慨多日長忽忽  
還就別知君伏汎尙防河

景州

濃陰如幄護窗紗猶有茶蘼半架花卻憶去冬風夜起茅簷  
雪片大於鴉

至京借寓勾欄衙是桂林相國舊第

經歲馳驅未有家歸來賃宅近東華得容車笠情先慰畧皮

琴書意已奢尺地舊傳盤極馬數椽今喜傍官鴉前賢儉素  
風堪仰便是平津不待誇

扈從 避暑山莊

新猷壯來王舊制存路先梅雨潤晴覺麥風溫水滿  
金鉤淀陰濃石匣屯據鞍兼橐筆佳話喜同論

兩間房即事 時江蘇巡撫奏報得雨

自別江鄉又七年每懷靈雨兆豐年今朝望見  
已報和甘遍大田

畿東累月總晴曛請雨經聲比屋聞 先時請雨經僧多誦之  
午甘霖應有兆東風吹黑嶺頭雲

小寓

莫訝三椽陋能容一榻安虛櫺宜晚讀曲突備晨餐豆莢花

猶發槐陰葉未殘還邀珂馬客於此小盤桓

恭和 御製啟蹕幸避暑山莊即事元韻

雨暘應候信無差澄霽郊原奉 帝車閤入仙真當晝永

身依 清蹕是 恩加 自乾隆丙申隨侍木蘭已閱十三載矣茲由江右還京奏請 扈從即蒙

允 俞 塞山遠列煙巒麗葑屋歡騰景物嘉聞說釐楚真倍獲

豚蹄操祝願寧奢

恭和 御製出古北口元韻

驛路四程通古塞邊垣幾折傍巖關奇看雲起千峯外爽在  
風生萬馬間此日趨塗誇談蕩前朝重閉尚辛艱詰戎柔遠

紆 宸念莫謂憑高野興閒

恭和 御製至避暑山莊即事元韻

年年望 幸動輿情玉塞神臯喜氣生已仰 樂山兼樂水

矧逢宜雨更宜晴 宮牆數仞金絲備書閣千函典冊盈總  
是 鴻猷超邃古親瞻 鉅典快交并 熱河建 文廟及 文津閣藏四庫全書

皆前所 未有 恭和 御製西峪元韻

澗卉巖葩護石鱗綠陰長夏尙如春翔空幽鳥皆知樂閣古  
喬柯不記旬風動南薰先解愠雨餘西峪早清塵 對時端  
為覘元化詎是 宸游賞玩頻

恭和 御製題秀起堂元韻

中峯選地構山堂奧曠兼之迥勝常花鳥有情周四季煙霞  
無盡亘三商 劬農念穡欣新霽 稽古陳書適午涼宜畫  
宜吟最佳處更欣 籌筆定遐方 時西藏巴 勒布平定

恭和 御製留京王大臣奏報得雨詩以誌慰元

韻

麻和久已洽 天人又獲甘霖恰淡旬三輔桑麻均被澤  
千村蓑笠競徂畛從知葑屋占秋稔真慰 深宮望歲頻自  
此五風兼十雨應期送喜始庚寅 閏五月 初五日庚 聖駕啟鑾

恭和 御製山莊卽事元韻

夕霽與朝涼 山莊景勝常稻梁欣並茂魚鳥樂相忘日永  
林陰轉和風刻漏長幸依 游豫地素食轉迴遑

恭和 御製游獅子園元韻

禁籞初晴曉露乾又逢 翠輦度層巒經營豈藉高人繪 長 洲  
獅子林為元 倪瓚所創 震迅疑從佛地觀花近秋辰增舊麗鳥依 靈  
圓樂飛翰新涼未奏清商曲已被松風一再彈

恭和 御製題宜照齋元韻

鬱葱佳氣此盤旋雲影風光滿目前景以時宜供 鑒賞機  
因 坐照更安便寶珠在握均能現智鏡當空不待研仰識  
徇齊符邃古 至誠先覺總超然

恭和

御製將軍鄂輝等奏巴勒布歸順實信班  
師回藏事宜詩以誌事元韻

萬里明駝奏撤兵

皇威寧復阻遙程適如其願真知感

不戰而降始見誠雪嶺烽煙通遠貢巴塘輪輓息邊氓西南  
送喜同時到應識番蠻念慮忤時安南國王阮光平亦遣使入貢

恭和

御製題澄觀齋元韻

水石林巒盡可稱

高齋游覽歲頻仍地經

典學茨

階古

聖祖臨御山莊常

召儒

義取陳謨寶額承

內奉

書惠迪吉扁額

惟仰

大觀徵感化豈將真覺契宗乘天倪

道妙忘言處境與秋光一樣澄

恭和

御製觀瀑元韻

無聲忽有聲眼識何由到用以證耳根鏗訶任飛瀑返流能  
所忘豈復見巖嶠從聞思修通獲觀自在妙仰知 至聖  
心一體普圓照

恭和

御製清閤閣賞荷元韻

碧沼波澄秋已到紅衣香盡暑將除宛疑高士山間屋恰對  
先賢水際蘂舊植 上林增沃若新沾 睿賞覺華予吟  
風弄月無窮意妙契 宸襟更自如

恭和

御製立秋日疊乙巳詩韻元韻

爰官猶見馭義輪梧葉飄來積算真玉魄尚圓纔月望六月十六日望十七日立秋金鞵漸爽正 時巡風迴 仙館添涼意雲斂遙



山淨色身蘇軾詩山色寧非清淨身甘雨既晴晴更好豐登取次報章頻

恭和 御製七月朔日元韻

入秋半月消殘暑合朔初辰放快晴夏末正欣山雨足禺中  
旋露日光晶珠杓星轉移鶉尾玉塞風高佇鹿鳴仰識西成  
欽若意總期多稔樂羣生

夜雨

四山雲漠漠一夜雨浪浪想見秋田足平添客舍涼青蕪連  
鹿柴碧藻上魚梁祇益 天顏喜京華有報章

灤陽秋日丁祭奉 命祭 啟聖祠

闕殿森巖曙色融恭承 主祭禮儀崇勇因懸布推邳邑  
典重升香按頰宮桓戴遠傳先代澤顏曾同起舊家風塞垣  
俎豆千秋少襄事殊欣步履同時韓城相國祭前殿

恭和 御製安南戰圖六律

籌邊本為軫孤莞因黎維祺失國來歸故遣王師援之繼絕何能息義征尙  
念昔年勤職貢非因遠畧事佳兵鳴笳疊鼓行營壯椎髻穿  
胷夾道迎盪決不須勞 禁旅粵南軍已播英聲嘉觀詞詠戰圖

龍驤千隊出關門將校飛騰矢報 恩破膽先驚騰羽檄竄  
身何敢返蠻村俘擒忍盡羣鯢戮反覆難容狡兔奔安南協鎮陳名炳見機懼亦即歸順總督令其回糾義勇仍為阮氏任用領兵為我副將慶成伏兵所擒解營正法誰是行

問宣力最弓刀褒鄂有賢孫慶君靖逆將軍孫思克會孫三異柱右戰圖

奚愁鋸齒與吹脣直鼓前茅指渡津五夜煙雲移赤幟三江  
風浪靜朱垠市球壽昌富良為安南三江因糧儘足資軍竈編竹猶能抵

戰輪徼外丸泥寧可恃凝 禧賈勇合天人壽昌江戰圖

阻險方矜弗克攻出奇上副 睿謀同偶紆間道疇能測

直越浮橋勢倍雄編後蒼茫乘夜渡裏糧踴躍赴戎功蜂屯  
蟻聚成何事芟刈分明等蓋崇市球江

甲首頻俘大小良臨江士氣競蒸皇入城撫眾功真蔽下

詔班師計更臧蝸觸互爭難自立牲牢新祀表遺芳提督許世亨等

以賈勇威棱遠屆羣蠻震屢敬重關乞降祥富良江

偃伯靈臺慶洗兵金泥玉冊許歸誠亨衢遠徼容趨觀

壽宇清秋仰集禎北塞共球方並獻南交文軌更同行貌

貅炳照丹青裏重荷奎章奕世榮阮光顯入觀錫宴圖

八月十六日夜

月比前宵正人歡此日停邀朋馳裏裏留客倩瓏玲槃供賴  
虬卵用昌黎句箏彈白雀翎銜杯思往歲烽火尙零星

題洪舍人桐生梧所藏其兄伯初太守詩冊四十四

韻

三洪並雋逸珠樹森天都長者與我舊縞紵廿載餘淵源在

大戴君莊事戴編修東原墳典供菑畚獻賦上行在特命金

鑾趨我時尚內直祕殿聯襟裾青綾對短榻彩筆依方疏

謂我孤竹馬老矣能知途執經每鞠膾授簡同鳴于中間忽

雨散落月空梁隅君持英蕩節校士臨荆巫我亦赴巴蜀尺

素憑雙魚每來數百字細密同真珠上言雲夢澤厥浸通江

湖由來屈宋地宜產風騷徒下言諸生某志在窺典謨三禮

暨三傳背誦疑神輸儻其所業就堪與追黃虞發函讀且歎

教澤真覃敷庶幾兔園冊胥作麟經圖俗師刮耨昧古義摻

根株我旋憂歸里起縮秦關符承明不相見君已專城居生  
平本耿介勵志宗顧廚卑疵良不屑峻潔疇能滂不軌有必

斥非種行將鋤我適過清苑衆口滋紛掣刺天作萋菲大府  
爲躊躇我謂君誼士誦法循詩書寧甘戇叟戇非比愚公愚  
作書并寄君掾弊宜舒徐從容去操切次第謀補苴排解幸  
有濟湮鬱終難攄遂疑弓影挂終致靈車徂維時在六詔聞  
信深歛獻哀雖悲宿草奠乏陳生芻茲來晤駒父涕淚填隴  
啣示我昔題句五字清而腴想當茶亭路弔古停肩輿投閒  
羨逸翮走世勞頌軀再三緇蝨冊儼見吟情孤君今去五載  
宰木森荒岵海山暨兜率游戲理豈無獨有後死者感激心  
煩紆援毫作調語聊用陳區區

奉命讞事新安在保定府

地接邦畿近人緣讞事來水仍分四股迹已味三臺巖蛤生  
涯苦荆榛老屋頽更求雲宿舍約畧指蒿萊國初孫鍾元先生曾居此

渺渺通長淀汙汙會直沽塗泥難作又黍稷久疎蕪欲計安  
全策須知久大模鞭笞清訟牒還擬究良圖按虞夏時引黃河循太行自北而東至于泮水分九河以殺其勢復爲逆河以歸于海其餘衍沃皆可資種食而南魏晉六朝以至遼金皆精水利足供民食雖南北分疆未見有運南方之粟米供給北方者自明初開會通河運濟以實京師而北方水利久廢昔日九河今變爲三十六淀七十二沽千里內外沮洳淤澱海門又復狹隘不能迅速歸墟是以往昔膏腴悉歸蕪沒窮民求正往與吏胥爭訟今雖薄懲究治亦終非上策也

錢少宗伯坤一以孤雲處士元王振鵬梅花見贈

江空雪淨一枝斜不傍漁家並酒家正是孤雲孤絕處花光  
禪派有誰誇

界畫當時重上蘭高情著意愛清寒寄來正值梅如雪酒熟  
香溫對榻看

東安門外口占次翁閣學振三韻

曉侍 鑾輿魏闕東女牆遙望日輪紅  
畦將生綠春光早戶有瞻黃  
慶典同婦稚駢闐清蹕外旌旗繚繞遠林中歸時風景知尤勝  
鳳艣輕颺六尺篷

白澗道中遇風次玉閣學閨風保韻

噫氣朝來發調刁雜樹聲塵清馳道肅曙啟曉雲橫騎從旁依澗人煙漸近城  
和鑾此際聽遙和野禽鳴

登獨樂寺閣次振三韻

傑閣岩巖次第攀擬從星斗叩天關仙靈翰墨依稀在觀音閣

四字傳是太白降乩書余二十年畿輔河山指顧間座上香

雲迎法駕空中鐘梵悟塵寰一樽竹葉真如夢曾記僧廊

解珮環甲申隨輦過此與張侍郎懷月飲長廊下今侍郎下世久矣竹葉青蓋葡萄酒之佳者

恭和 御製經雄縣城南因命加賑有作元韻

輦路透迤紫淀餘燕南秋潦偶停瀦茅檐近已安耕垡

陛猶殷念澱淤 恩詔屢銜 天上鳳生機全活壑中魚

春風到處瞻黃到億兆寧愁獨後子

恭和 御製思賢村行館四疊舊韻元韻

故居今已作遺祠今祠即韓嬰故居功在儒林不朽宜千古常山存

絕業一時太傅領清資空聞後裔能言易漢書孝宣時涿郡韓生其後也以易

徵待詔殿中日所受尚有遺書見說詩謂韓詩外傳考古思賢窺

睿念欲將經術契無爲

恭和 御製命截畱漕糧三十萬石於北倉以備

直隸賑恤之用詩以志事元韻

和鑾本挾惠風行備賑猶蒙切小聖情蒞屋佇看雙穗喜

神倉又截十分贏決排策早徵輸速蠲復恩多市價

平野老豈能知帝力多方宵旰為羣生

恭和御製紅杏園七疊前韻元韻

園以紅杏名花紅照瑤輦地當樂壽縣境似華林館同此

藩邸開獨為傳經顯迄今逾千秋望古情彌展堂階留古

意書冊適閒遣兼有綠楊風冷冷晚尤善

恭和御製德州過浮橋作元韻

東省頻年報有年萬家煙火倍從前固知富庶能成此應屬

恩膏屢沛然齊乘舊通三輔近高津直下九河連黎氓

歲歲瞻雲切爭向豷梁俟旆旃恭和御製降旨豁免山東緩徵積欠詩以誌事

元韻

聖念民依在有年尚虞逋累自從前緩徵早荷仁施渥盡

豁尤承惠澤全麥隴地滋容犢臥桑牆日暖伺蠶眠齊風

魯頌歸熙皞均受天家景福駢

恭和御製賦得野合時雨潤元韻

輦路春融日村原曉霽天隆旌初掩冉嘉澤已芳鮮節候桐

華始和甘穀雨先如膏滋繡壤似露沍桑田觸石堪徵矣清

塵共快然紅霑桃競坼綠盡柳將眠到治登三五豐穰兆

十千敬惟時若意作肅塵彌虔

恭和御製再題曲陸店元韻

云云浦激滙藹藹村莊明猗與衍沃壤富媪資馮生此疆隸

平原奚有曲陸名推本九河舊水國殊郊垆面勢互縈絡計

里交縱橫古人因取義實足副其稱標題固附會辨難亦紛

爭俯察揭妙理永以示筆耕

恭和 御製雨元韻

又值廉纖雨真滋稼穡甘地猶留宿潤氣已應春酣似霧濛濛合如膏處處含和因民志樂渥為聖恩覃麥定岐成兩時看月紀三滿車甌窶祝良慰老農貪

恭和 御製靈巖寺七疊前韻元韻

尋幽愈見山堪樂標異真知地有靈隔嶺初陽斜見塔臨崖瘦樹半依亭穹碑笏立青苔染祕竇泉深翠色淳屢次春巡邀 睿賞直將 奎藻寫真形

恭和 御製賦得泗濱浮磬元韻

清泗鍾精粹琳琅不啻過斲來供縵樂懸處配登歌昔產山靈壁新規出玉河鼓諧嶷坎坎簫協鳳娑娑博股因時應清揚得氣多浮筠良足貴拊石自殊科堵肆春官考旁耑巧匠

磨從茲 虞陸上天地契麻和

恭和 御製行館元韻

茅茨松棟望非遙老稚歡呼雜庶僚行幄雲開晴旭麗征衣風定薄寒消批宣閣報何妨晚捧出奎章每及朝克儉克勤昭 邳治四時玉燭萬方調

將至濟寧寄黃同知小松 易次振三韻

書札頻年屬雁臣百朋惠我拓貞珉漢唐寶刻搜殘本歐趙風流得替人河嶽正當臨勝地琴樽端可浣行塵屬車清暇同連袂舊侶新知意倍親

振三以北廬詩見示蓋卽今所云帳房也次韻

羶帳穹廬詎足誇幕天席地任生涯壓來恐不禁風力疏處偏能露月華數幅縫成供小住幾竿撐就便成家多君仍此

揮椽筆到處人疑貫月槎

聖駕躬詣孔林行釋奠禮奉

釋奠

宸衷肅升香祀事隆神龕崇四配雅樂奏三終

主鬯昭精意循階共鞠躬尊師開典禮錫

命逮臣工奉

爵分行異隨班屏息同鼎芬煙暈碧燈焰燭搖紅簫管陶斯

詠牲牲潔更豐尙賢宏聖域考道啟儒風養氣傳心法仁民

黜霸功趨承咸穆肅視聽益昭融永作時巡範均因至教

充蕭薌虔告備旭日耀圓穹

奉

命祭少昊陵及先賢顏子墓仲子任子祠

金天陵闕接丹梯喬木陰森鳩鵲窳古元功侔五帝時

巡祀典重三齊萬年弓劍神靈護十丈碑銘

御墨題瘞

玉焚香歌競奏似聞淵樂振雲霓

少昊陵

崇祠肅穆冕旒懸堯國階墀告潔蠲仰見行藏符至聖能將

德行冠羣賢簞瓢一室生平樂邊豆千秋禮制度祭告已終

還仰止歸仁克復倍拳拳

顏子祠

長劍高冠氣象雄揭來瞻拜仰英風知方有勇才原裕入室

升堂德亦崇井里舊霑清濟潤帆檣遠望會河通登臨想見

貽謀遠肅客荷衣便不同

仲子祠在仲家淺時賢裔貽熙年僅十四陰襲五經博士來見風度

甚端

英靈千古是湖湘禮重先賢考舊章請業憶曾來曲阜崇封

猶記在當陽金絲並奏兒童樂牲醴同登簿尉忙

時僅有佐雜二人執

事祇覺任城雲樹近欲尋譜牒已荒涼

任子祠

寓顏孝廉運生

崇榘

書齋賦贈并示孔舍人信夫

凍二首

政簡 行朝暇春深淑景長高齋煩灑掃退食足徜徉竹院  
琴樽淨琅函翰墨香羣賢如晤對繙閱意難忘運生藏尺牘初名賢尺牘

凡三十餘冊  
真大觀也

遙憶京華侶空嗟歲月逾經傳千世澤孔主事體生繼文記

五陵游孔編修衆仲廣森為予記陶然亭  
雅集卷駢體甚工二人皆先歿妙墨欣全刻遺書

待徧求信夫為張文敏公館甥前刻其  
書為玉虹樓帖又刻鑒真法帖何時恣賞鑒同上玉

虹樓

青縣時奉命同樹齋  
尚書赴高郵辦事

將隨 玉輦向津河持節重看下楚波欲上肩舉回首望水

西莊外暮雲多

紅花埠

路出紅花古埠陰濃綠樹人家大勝昨經濟北西風撲面堆

沙

雨過檐飛乳燕雲開山仿眠蠶望到綠蕪盡處候人指是江

南

至徐州寓館與叔華夜話

再藉皇華使重申剪燭情論年俱老大話舊倍淒清夏近河

流壯風高雨勢橫凌晨還喚渡浩蕩賦長征

舟中示樹齋尚書二絕

青簾畫舫本蕭閒柳岸蘆碕任往還絕似瑞園同直夜名香

小試鷓鴣斑

漁榔欲歇夜將徂酒冷茶溫興不孤明月一輪花十里滿身

香露過珠湖

高郵寓王文肅公故宅



烏衣門巷短牆遮灑掃初聞僕隸譁仄陋閉庭容旋去聲馬荒涼喬木見棲鴉後賢已見曹司重謂懷祖清德猶傳父老誇水部卻記京華曾造郤微言相示手頻子公車會試口會邀助修會典里會典回至紅花埠得 旨復往江寧讞事送樹齋尙書北

上

候館兼旬共起居客中分袂更踟躕塗長應再陳封奏事重何能定判書時總督書君麟已去頂戴巡撫閔君鶚元及布政康君基田均令解京而按察王君士棻知府知州等俱分別交部治罪 雨後新波浮畫舫風前飛絮送征輿秦淮桃葉前游地尙書生別我知公意未紆長江寧

睢陽驛

驛路正當江北蒼波漸近淮南但覺濛濛煙霧不知濕透征驂

憑 候館紅薺一丈湖樓翠黛千層安得單衫小帽臨窗盡日閒

五老畫圖曾見杜祁公等有睢陽五老會圖三鄉山水初經偏愛黃梅雨細隔村煙樹冥冥

大柳驛

忽雨忽晴雲窈窕乍寒乍暖氣溟濛拍堤新漲人不到煙水一頃飛鳧鴻

桑麻陰陰柳市屋葭菼漠漠漁家船身在南宮圖畫裏誰能淡墨寫湖煙

滁陽驛

嵇山春盡草淒淒中散園亭迹已迷欲問廣陵遺曲杏竹林日暮亂禽啼

昔年曾此住征輿走馬重來水一渠猶有鼠姑能對飲不辭  
醉墨滿牆書

訪姚姬傳鍾山書院

綠槐高館駐征輿把臂相看更起予  
六代江山依講席廿年風雨歎離居  
性情恬澹先辭祿經義紛綸早著書  
聞道門牆多俊侶莫教寂寞伴樵漁

六合渡江示許員外秋巖

一碧澄江練咿啞撥棹來秣陵  
山色在棠邑夕陽開塔火穿林  
遠漁歌極浦迴潮生葭菼外傾聽共徘徊

暮抵臨淮關

一騎長淮路雲山欲暮天  
柝鈴關外驛煙火塢中船  
初月低山影驚濤醒夜眠  
行廚魯酒薄小飲已欣然

過泰安官舍示宋太守藹若

雲開巒翠撲中庭適館傳餐雨乍停  
玉檢金泥思帝典秦碑漢柏想神靈  
支筇未得千峯上叱馭空慚五度經  
聽說天門觀日出紅霞白道動滄溟

交河懷古

壯士交河著襟懷最激揚  
燈前雙鐵簡攘臂走光芒  
豪俠今何有風沙自莽蒼  
生平慷慨意亦欲舞魚腸

七月二十八日同吉侍郎有堂慶奉使長沙出郊有

作

西郊暑退晚涼生重荷皇華使節行  
祇惜千秋逢盛典不

同鷓鴣上蓬瀛

玉螭金鼇百戲陳周南畱滯意難申  
計程應度瀟湘路叢桂

香中望 紫宸時八月十三日 皇上八旬大慶

邯鄲呂公祠

濁世由來盡夢中 夢迴尋夢更難窮 人家各有黃梁飯 搯枕何須待呂公

邯鄲曉發

殘月長星隱碧空 肩輿鴉軋過祠東 疎疎幾翻豆葉雨 策策一道蘆花風 宿靄漸收秋水碧 連山忽斷曉霞紅 黃梁餘夢朦朧在 驚聽鳴禽起亂叢

望蘇門山懷孫徵君鍾元

前朝季世隳天綱 僉主閹宦爭披猖 甘陵竟欲一網盡 白犢校尉提銀鑰 檻車夜出草橋北 詔獄慘酷埋忠良 容城孝廉魯衛士 氣壓燕趙悲歌行 斗杓先奉孫高陽 次友忠節鹿太

常聞信投袂來急難 橐籥親納鬚髯張危言 苦語斥疆禦共驚口舌含風霜 六芝煌煌萎犴狴 逆億社稷將滄桑 一木難撐大厦覆 脫身蜚遯尋山岡 蘇門巖嶂清而蒼 龍門雷首相頡頏 朝巒暮靄極窈窕 春蘭秋菊皆芬芳 草廬數椽此卜築 絕勝泉石兼松篁 夏峯村畔開高堂 英髦負笈趨門牆 型仁講義法周孔 窮理盡性追羲黃 司空湯文正斌少詹耿逸庵介俱碩彥 服膺奉守欽珪璋 我今過此僅兩舍 式間何自申椒漿 五世子孫歎徂謝 百年文獻寧凋傷 宗傳近旨尚可購 亟圖鐫刻垂膠庠

先生著有四書近旨理學宗傳二書

行次滎陽家明府敦初同陳學博理堂變夜過寓齋

兼示新刊吳會英才集小飲有作

郵亭日暮卸行裝 二妙同來話舊長 最喜鬚眉俱歷落 自憐

腰脚待扶將，衡茅燈火追前夢。理堂曾於壬寅歲暮小住三泖漁莊關輔雲山

憶對牀。余在西安與敦初聚首最久薄宦羈游俱未遂，夜闌酒罷意蒼茫。

吳會新詩並絕倫，挑燈繡罷意難申。山邱久宿霜前草。集中黃仲

則高東井謝世已數年矣湖海終留席上珍，孤竹馬衰慚識道。豐城龍起

合通津，獨愁明發分岐處，無計同看月滿輪。時八月十四日

許州

柳陰一路似江鄉，撲面西風漸送涼。昨夜山前新雨過，沿溪十里稻花香。

觀魏大饗受禪二碑

貔貅十萬揚旌旄，老狐乳贊爭咆哮。諸袁已盡奉先滅，赤伏潛易當塗高。烏林一炬久逃竄，孝廉聲勢臨江臯。許昌距吳數百里，江淮汝漢縈南條。阿瞞築宮具深意，削枋便擬凌風

濤。三臺歌舞尙未竟，九首鬼伯潛相邀。子桓繼起更狡鷲，竟託禪讓依唐堯。分香賣履言未冷，鼃聲紫色心尤驕。相國將

軍官四十劍佩踰濟從，誼叟乃陳降祥珍。瑞集再記款塞呼，韓胡方當寢苦枕。山口袁冕黼黻山龍昭，圍場千步壇九尺。

拜奠璽冊陳南郊，無君無父意自得。大書深刻垂瓊瑤，仲謀奉表亦豚犬。龜象作貢供臣寮，公間剗刃入南關。黃初四世

如風颺，蜀吳尙在魏垂滅。唯餘碑碣猶岌岌，吾見此文亦已久。竭來親讀披蓬蒿，三十二行行款正。加以隸體無殘凋，鍾

繇梁鵠字莫辯華歆賈詡名難淆。比於檇杌可垂戒，何待後世相訾謗。廢宮久作山陽廟，靈旗石馬還蕭騷。

登黃鶴樓夜飲作示秋帆制府諸君

往歲南來經鶴渚，荆江堤決蛟龍舞。長官四出挾流亡，載酒

何人稱地主茲行風月正清秋制軍方伯邀前騶相看一笑  
互搯手攝衣同上城西樓木落雲開恣極目冉冉斜陽下林  
麓穠稔將收萬頃黃菰蒲猶映千層綠臨風舉鱗長筵開且  
舒勞輝消塵埃銅盤銀蠟已徐上更待皓魄凌空來談詩說  
劍皆稱快賓主風流真絕代不須絃管奏誼喜有江山助  
瀟灑胡牀吟嘯庾元規投轄藏鉤勸醉歸謂陳方伯惜少仙  
人橫玉笛白雲黃鶴夜同飛

宿臨湘萬年庵

遠水漲柔藍層岡抱濃綠秋初風微涼稅駕近佛屋徙倚壁  
間詩舊游率鬼錄還愴而玉人沈吟緬湘竹壁有梁文定公詩蓋撫湖南時  
作又寺記稱驛舍係冲泉少司空修冲泉以丙午秋下世而  
戊申文定繼之文定詩本和吳雲巖鴻作雲巖先任湖南學  
使其門人宋編修銑亦嘗爲衡州太守往時師弟有  
連璧之譽均與余善今亦先後下世矣故并及之

過洞庭湖滙口

蒼茫遠勢似滄溟取次行程到洞庭霜露漸凋秋樹綠煙嵐  
微覺遠山青路通吳楚連江界地合瀟湘證水經擁傳卽今  
瞻浩蕩從戎憶昔共飄零巳丑冬同趙升之過此

湘江晚泊

雨霽湘江夕照妍披襟小坐意悠然濃陰誰種千竿竹香稻  
初收萬頃田紅葉近遮沽酒店白蘋多傍釣魚船分明一片  
吳淞景豈料清游在楚天

九月初十日家梅溪觀察

家賓諸君餞於湘江驛舍

江天搖落罷登臺何意蕭晨再舉杯游讌幾同燕市酒風騷  
還憶楚臣才時梅溪議修湘江神廟卽屈子祠也擬以宋玉景差唐勒庾信配之兩行絲竹人  
將別千里煙波鴈又來他日蘅蘭花發處雲藍早望手親裁

湘鄉

殘更時候欲霜天疎柳橫橋月半  
茲夢斷香消人不寐又聞  
寒笛一江煙

安南國王阮光平以

萬壽祝釐入觀禮成而返

棹過長沙聞余等即日回京來見紀之

長刀植立儼威儀歸路尤殷荷燕思

御極八旬開壽域

來王萬里仰

崇禧身兼羽衛依仙仗

上命王在乾清門侍衛上行走

樂識簫韶喜

賜詩此去富良江上過奉藩譽望播蠻陬

松滋亭作

薄雪脩脩霽寒雲淄淄虛屐聲通小市帘影落清渠竹樹春

煙裏山嵐夕照餘湘江三四曲曬網愛村漁

羅徽五院長招飲

橘州晝靜雨濛濛裙屐偕來敞綺櫳瑣院憶曾三次共余與

及王方伯懿德於己卯辛巳癸未三年同校鄉會試員外雲錦許員外兆椿皆先後為御史而余亦承乏副憲故云霜臺難得六人同院長及吉少司馬麟郎中喜丁江湖舊侶欣無恙絲竹清音聽不窮莫歎心期當歲晚好傳雅集寄詩筒

過觀音橋上吉祥寺即太白所詠白兆山也

昨從應城宿曉望京山行煙巒聳蒼翠拔地西南橫遂有觀音橋曲折趨化城石崖出奇秀空嵌兼崢嶸鍾乳所凝結藤蘿互迴紫竅穴各穿透刻刻皆天成超然觀自在瓔珞垂前楹松龕梵唄靜蓮座香雲生塵根至此盡蕭寂疇能名再上妙吉祥古桂疑千齡寺右見飛泉百丈懸晶瑩娑羅繞絕磻清籟交琮瑋伽藍惜荒蕪少見僧雛迎昔時李供奉於此紆幽情桃花巖尚在何時見飛英空詠謫仙句噉噉哀猿鳴

幽靜荆川寓劉氏江村碧樹山房將去有作  
 江山秀而雄萬雉壯南戒其中三畝園亦復富松檜深池繞  
 其前層厓護其背碧蘚與紅藤交榮等圖畫苔壁繫幽琴繩  
 牀置方罍似為聽事餘耳目發清快不知一綫隄民生判利  
 害朝看石輪困晚驗濤湧泮焉能趁蕭閒俯仰適自在棲遲  
 將及旬亦少釋疲憊仲冬風日融欲別知難再禽鳥亦依人  
 飛鳴宛如話

重過湘纍廟吉物寺僧太白似精白吳山步

蕭瑟前游地緣蘆繫短槎雪晴雲似葉江遠浪如花幔捲啼  
 飢鼠林疎見墮鴉獨憐香火絕誰念賈長沙

長沙除夕

草草杯盤喜見辛鎖廳暫擬作閒身擁爐聊似消寒會載酒

猶來饋歲人玉漏漸移頻問夜

將以五更望

燈花齊發欲爭

春舉頭莫道長安遠俊侶仍多上國賓

德甫

杏花春雨

家太字蓬心

贈蓋十年前舊約也

夙昔慕松真松篁尚在日收依  
 十載使車屬南服滿湘成云改  
 聽遺音足于思幸無恙居老專  
 跏坐崖谷中有大士龕瞻禮愜  
 贖頻年對澹巖呼吸盡山涼因  
 正初春燈火炒葦屋西窗談藝  
 春融堂集卷二十一終招隱君歸亦當速

春融堂集卷二十一

江山秀而雄萬雉壯南戒其中三畝園亦復寫松檜深池繞其前層崖護其背碧簾與紅藤交榮等圖畫苔壁繫幽琴繩牀置方罍似為聽事餘耳目發清快不知一綫隄民生判利害朝看石輪囷晚驗清湖屏焉能趁蕭閒俯仰適自在樓前將及旬亦少釋懷愆仲冬風日融欲別知難耳禽鳥亦依人飛鳴宛如話

重過湘曠廟

蕭瑟前游地綠蘊繁短棹重臨雲氣集江遠浪如花幔捲隨飢鼠林疎見墮鴉獨倚香几絕前念以長沙

春舉與莫首身安盡對日月參上瀟資

曾來觀歲人王嗣漸蘇賦問齋

春融堂集卷二十一

青浦 王 利 德甫

杏花春雨書齋集

七子 辛亥 癸丑

家太守蓬心自永州來訪并出所作雲栖教觀圖相贈蓋十年前舊約也因題其後

夙昔慕棲真松篁尚在日皈依欣有自不在詹尹卜蹉跎遂十載使車屈南服瀟湘歲云改風雪灑叢竹旅況正淒清忽聽登音足于思幸無恙居然老尊宿其年七十一更出教觀圖跏坐崖谷中有大士龕瞻禮愜所欲君家世詩畫妙繪照簡牘頻年對澹巖呼吸盡山淥因寫剡溪藤何啻荆山玉天涯正初春燈火炫華屋西窗談藝餘辛盤倒醞醪屈指上元前已覺歸期促持此代招隱君歸亦當速



永明林明府 崑夔 以澹山石刻見示

澹山本澹遠疑是神仙居我常慕其勝寤寐時縈紆持節來  
楚南相去兩舍餘算緝真不暇安得乘籃輿羨君素知我嗜  
古同熊魚贈我三十幅紙墨精而腴惜自涪翁外衆作徒紛  
拏乃知山水妙歷久終當舒況此湘沅上雋士侔瓊瑤君能  
敷化雨絃誦開詩書太守亦好事畫理追倪迂政閒往摹寫  
勝境傳寰區石門與竹徑題詠當非誣今始束藤笈聊重惠  
施車

題杜秀才春亭 文斗 草堂課子圖

甘蕉葉葉當風疏遶檐萬个森森窅瑤環瑜珥立堦祀彷彿  
背誦千行書彎弓兩石計亦得不爾南陌犁犂鋤蟬穿蝨蝕  
有何味口講指畫將焉如知君婣雅嗜皇古凡將爰歷供叟

漁中郎八分憔悴後蒼頡三體臨摹初側聞絹素走湘楚通

神瘦硬收時譽 秀才長沙人工篆隸 此技欲傳恐匪易先以六藝操權

輿時當春日緒風善亟宜趁此書堂虛城南況有韓氏例騰  
跼寧不思龍豬研經賈孔作根柢讀志杜鄭分菑畝說文釋

文耽古義庶見末學能湔除此邦騷雅由三閭景差宋玉鏘  
瓊瑤江山清淑應不乏要吟玉案酬居諸男兒十五志有在

慎勿徇俗他人狙因君課子發譎語試以持示羅鴻臚 謂徽少卿

岳陽樓望月 時正月十八日

殘雪未霽風颼颼明鏡晚挂東南陬我來乘傳回巴邱長橋  
如虹橫沙洲弓刀百隊陳貔貅紅星點點交燈毬攝衣直上  
城西樓樓高三層俛百尺下瞰萬頃雲烟浮生平過此忽五

度未遇皓月徒煩憂茲行何意對清景乾坤一碧如深秋林  
凋微見商舶火溪響似度漁郎謳繞樹依稀咳鶴鶴軒波髣  
髴騰蛟虬獨行雖無嘉客伴快意較勝前人游霜天曉角三  
弄罷波羅大鼓停更籌珠斗闌干耿北極銀潢淺澹仍西流  
挾飛仙去尚未得已擬浩蕩隨鳧鷖鷄鳴且勿催前騶要看  
日出樽桑州

荆門道中寄崔太守幔亭

西冷橋下敞離筵遠道相思又九年臘酒春燈尋昨夢對牀  
話雨付前緣青綾唱和消清福君夫人錢氏孟錕爲予座主文敏公之女玉署風  
流藉後賢令子景儀太史念我江湖持使節近來霜雪嘆華顛

荆州曉泊寄余元亨慶長

殘雪霽春陰春雲照碧濤重移江上棹來作郢中吟鸚鵡晴

波綠靡蕪草色深舊游不可見誰與暢幽襟

南陽道中謁諸葛草廬

蜀漢宗臣重琅邪望族尊南陽羈旅日名蹟至今存白水留  
王氣青山對廟門千秋聞父老流涕薦雞豚

慘澹三分業肫誠兩疏書庭下刻兩疏石雄才超管樂妙譽

信崔徐風馬雲車在綸巾羽扇舒溪山盤鬱處猶似護儲胥  
早靖南荒策旋移北伐兵褒斜開地勢參井應天彭巾幗羞  
強敵營屯見雜耕更嗟綿竹戰兩世著忠貞

岡阜似迴龍松杉久鬱葱當年陳大計一出震羣雄拮据三  
巴業淒涼五畝宮自來豪傑輩肅拜意何窮

范滂墓

黨論成千古先櫻最慘悽名真同李杜節不愧夷齊勝地供

埋骨衰朝嘆噬臍何人憑軾過酌酒共咨齋

### 西平

驛路淨春泥來牟秀欲齊人烟苙子國風物朗陵谿蔬圃眠  
朝犢桑陰喚午鷄前山如畫裏指點似新鄴

### 夜宿堰城口占

誰人知我此時情圭竇繩牀宿堰城酒醒夢回風又雨半枝  
殘燭夜三更

### 新鄉道中

沙路草芊眠春流半入田未交寒食雨已近賣錫天早杏微  
黏帽垂楊偶拂鞭畫旗山郭外隱約露鞦韆

### 淦陽驛夜行

幢幢燭影照衡茅苦酒三盃伴寂寥如此淒涼風雨夜可知

### 明日是花朝

沈沈戍鼓響郵亭霑濕征鞍尚未停誰識女紅同夜作寒機  
窗下一燈青

### 暑中韋慎占紀曉嵐吳沖之陸健男招集寓齋

持節經時汗漫遊歸來門巷集華翰湘雲澤雨誇聞見雪藕  
冰桃佐勸酬畫諾吏希官事簡談元客到勝情幽新知舊侶  
難同聚消夏杯殘更訪秋

### 送羅兩峯聘南歸

長安作客經三伏鶉火西流秋已肅羞從樓護近朱門豈附  
韓嫣豔華轂所居城北借僧寮且向香廚啖菹粥長鋏能無  
逆旅愁短歌聊當窮途哭偶從名士劇詼諧勝事彈絲兼擊  
筑薜荔衣寒塵土蒙茱萸酒冷年光促紛紛誰是擅吹噓落

落終愁困踈跼一身寄跡比鷓鴣千里遙情託鴻鵠平頭催  
買小吳船挂篷早趁秋潮綠同人走詢各悽然會合嫌遲別  
嫌速淮北烟雲浦澈深竹西亭榭明遊熟翰墨場中老斲輪  
振衣岸幘相追逐絮酒應澆處士墳謂金君壽門農已歿誅茅小築幽  
人屋但當回首憶京華常寄瑤函剖魚腹諸君摻袂莫咨嗟  
且覆深杯重剪燭他時一事慰相思畫叉長展千枝玉君工畫梅甚多

李編修鳧塘驥元以詩集見示賦贈

病背昏昏久未開忽傳詩訊走輿僮蛇神牛鬼爭奇句井絡  
天彭信異才索米頻年愁立陞求金何處更登臺唱酬幸有  
壘簾樂光燄干霄接斗魁

趙家太守少林嵩高藉山讀書圖即送之平樂府新

任

邢溝連巒社球氣光如虹澄湖三十六江海通朝宗厥地產

偉傑用使斯文崇樓邨謂修撰式丹既俊邁白田謂編修懋竑更淵冲

惜我稍後出未獲相追從官齋逢老守謂孟亭太守箴輿其歲當顓

蒙梅嶺雪皎皎紅橋花濛濛百觴酒不醉一掃詩俱空抽帆

遽北向懷舊徒煩忡數年始見君玉樹森青葱聲華播冀北

文采騰江東示我游梁句雅奏開頌聾朱絃澹疏越洵與前

賢同君方賦釋褐我更臨邊戎分襟忽踰紀昨復瞻青瞳豪

情出眉宇高韻軒心胸為示藉山圖花竹交玲瓏縹緲追萬

卷維誦資三冬家鄉千頃水何處來雲峯且然聊復爾姑借

明幽衷君今異冗長上聲八桂驅青驄雲嵐經紫邏旆旆穿丹

楓橋山暨華蓋名勝疇能窮政餘肆幽討定見詩盈筒可慰

故山志幸勿歌蒙茸君家老學博謂在川廣致仕安章縫固

窮等范丹授講侔丁恭馳牋定諄勗迪教兼與農廬陵況遺

直晉陵亦孤忠鄒忠公胡忠簡公皆曾居此師此良已足寧必為書傭孟

冬日纂纂遠道風逢逢樽酒不暇置何以抒微悰題詩代志

別目斷蠻山重

和袁子才病中自輓四首

來本無生去豈亾空勞薤露助悲涼笑君不了還詩債又向

朋儕索輓章

輓歌聊復仿淵明莫向觀河厭此生非但谷神常不死也知

年老要成精見楞嚴經

心如智井看常涸身似枯桐豈再華我亦新來頻小極藥烟

影裏過生涯

論齒輪君小七年髮無可白總華顛他時撒手休臯復淨業

終歸自在天

題座右錢文敏公墨梅

不嫌性格近槎枿只愛幽香半樹花翔鶴堂空仙去久誰人

和雪寫唐花

田山蘊秋帆圖為馮編修鷺庭集梧題

峩阿大觚停河湄蝮蝮百丈臨秋漪輪蹄斑斑還復往拂雲

萬堞遙參差諦觀橫卷誰所作云是京兆田郎為時由虞部

分曹司首從軍衛絕餽遺夫次及斗龠嚴收支納米納粟盡

頽粟于囊于橐同京坻天庾已足官事少乃召佳侶銜芳卮

通路亭邊好風日牖水收潦如琉璃嫩晴況值重陽時松杉

影裏款段穩葭菼叢外肩輿敲檣竿十丈亘竹紵系以兩尾

青驪馳座中，袞屐何人斯。緯蕭之客來，西陂或似小。長蘆釣  
師酒酣跌，蕩無不有捉。筆快寫瓊琚，辭先生獨爲。民力慮想  
見感激，淒心脾。忿忿彈指百餘載，粉墨未黥神。扶持小馮君  
昨售得之深，嘆前哲懷瘡。夷邀我琢句，同裝池東南。輸輓四  
百萬，國家大計民膏脂。自從官田久斥賣，臨期簽派煩鞭  
笞。長途兼患食貨貴，轉運漸致旗丁疲。兌交詎免肆婪索，縣  
官緣以淆成規。水腳收費制盡失，徒使胥役爭侵欺。先是尹  
文端公  
奏定每石收費六分折錢五十四文每石水腳  
收錢五文此外不許多勒粒米今不遵久矣誰憐祁寒并  
暑雨，僅取糠粃充朝饑。邇來漕帥幸修潔，飭下毋許求銖錙。  
矧逢明詔屢詰誥，冬開始見無淹遲。詰兄往亦司厥事，罪  
言示我良非私。方今太平理玉燭，狼戾往往聞東菑。農民運  
戶兩不病，終賴長竿相疇咨。文恪題詞更可念，藉此政告司

農知

賈島峪

主簿名猶在，荒祠閉早春。苟非逢令尹，何以著畸人。殘雪時  
嘯鳥，枯松半作鱗。栢巖寒色裏，誰與薦溪蘋。

自龍泉關上長城嶺

路從保陽來，山色已漸迴。行行望巖關，勢與層雲永。宵柝遠  
猶聞，戍燈近漸炳。濃霜凝薄水，攬轡詎敢騁。盤旋甫極巔，朝  
霞開衆嶺。俯瞻巖壑深，橫睇松杉靚。再度古長城，雉堞尚修  
整。中外久一家，耕屯分萬井。阨塞安足恃，舊跡正可屏。我將  
禮文殊，聞思想清淨。白雲如狡狴，臨空數引領。

臺麓道中

翠罕初離水，竇巖松嵐影裏。日輪銜香雲，不動天花住。又有

松花滿客衫  
山程一舍本非遙  
臺麓精藍隔磻橋  
榭檉青黃猶似畫  
鯨鐘聲裏繡幡飄

大文殊寺

五嶽泰華衡恆嵩  
出雲降雨參神功  
此外靈區表絕勝  
菩提娑樹侔天宮  
普陀獨鎮巨澥中  
峩眉雞足西南雄  
妙吉祥居道場啓  
若非天眼焉能窮  
縈青繚白千萬壘  
須彌鷲嶺遙相通  
風沙萬里截紫塞  
冰雪三伏浮蒼穹  
十方三界來聽法  
龍王鬼伯相隨從  
烟霄朝現應真像  
刀仗夜伏修羅凶  
鯨鐘鼙鼓互震吼  
獅林鹿苑殷虛空  
宰堵波高颺鈴鐸  
暎羅那厥開荒叢  
望海峯巒更奇偉  
歸墟赴壑連鴻濛  
沮沙淨衆得未有  
梵唄響答千巖松  
憶自摩騰入中夏  
曇鸞靈辨追前蹤  
長者

甘露泉

一滴能知味方諸  
已可參況逢春雪  
盡更覺露華甘

明月池

但言明月池未見  
池中月欲參不二  
門應與維摩說

中臺寺

絕景凌千仞靈區  
峙五臺松雲春掩  
靄泉石晝喧  
眇妙吉祥

如在優曇華正開欲觀清淨意晏坐証西來

微雪口號

清涼世界更清涼合有天花作道場疑是瞿曇來說法層層  
交放白毫光

殊像寺

殊像猶無象趺跏四大空香雲千嶂合梵唄六時同松栝臨  
春翠烟霞映日紅華嚴彈指現一併証圓通

出山卽事

松崖栢徑隔塵凡日日清游意向饒縱使天花多未著也留  
雲氣滿征衫

回溪小澗響泫泫誰向泉邊坐夕曛最憶北臺清長老耳根  
一响斷聲聞

已選聞思交慶喜更無言說對維摩清涼大數分明在安得  
餘閒誦貝多

層層嵐影滿春山法喜欣從豹尾還今夜臺懷明月底夢魂  
猶繞翠微間

過邱太守至山

學劬

官齋觀所藏古墨

翰墨因緣五十春是人磨墨墨磨人今朝古樹齋中住怕見  
香煤滿篋珍

鹿膠首數李廷珪下及方于程君各品齊一語乞君成勝果  
留書貝葉向招提

回至紫泉

涿鹿塗將近班麟輦正迴紫泉縈曲渚綠柳拂輕埃麾蓋  
翻風轉犁鋤待雨開旅窗逢地主猶得撥芳醅



為馮郎中星寶

應柳

題夢蘇草堂圖

西方不無難著力琳師送後知安適喜君夙昔有因緣獨向  
 寒宵晤顏色高軒曲逕風泠泠頰濱已見疎眉青長帽老人  
 亦來至頗覺拄杖音敲鏗飛鴻九州神不昧矧有文詞結靈  
 契久從施願考遺編君有蘇詩合註蓋合王梅溪施元之顧  
 景藩邵子相查初白諸註並錄之補其  
 未備并攷  
 異同得失自爾心魂通寤寐稜稜丰骨古衣裳信是騎驎下  
 大荒風標不數鷗波畫意態猶同笠屐裝一龕本與彌勒共  
 樂天鶴筆深珍重何期後世子雲知月落空梁竟同夢愧我  
 相望未得親栢堂竹閣念前塵將來化作橫江客去訪臨臯  
 月下人

題馮侍御寶庵

培種竹圖

馮君易字字實庵又畫鼓竹盈吳縑竹本虛心非有實細繹

此義誰能兼中虛中實表易蘊要在既濟功相參君也宿昔  
 擅詞藻雅材百五精研覃崑崙懸圃在筆底珠林瓊島常親  
 探君初字  
 玉圃邇來斂華復就實惟君子竹心良快小園一畝風  
 月酣曲欄葉几清而恬初楊生稊拂網戶芳蕙吐蕊依書籤  
 畦丁壓擔刷寒玉信行將試鴉鋤尖兩僮顧盼各自適仙禽  
 欲舞毛毳毳罷直歸來日漸午青鞵恰配青羅衫君侍西  
 清已廿載近換諫職尤清嚴庭階雖無指佞草惠文鐵柱陳  
 封函會須添樹新甫栢蘭臺故事君能諳虛心實節兩不忝  
 再繪蒼翠交窗南

題曾郎中賓谷

煥

西溪漁隱圖二十八韻

昔年屢放西冷權惜未竟作西溪游名園野刹望不極空向  
 蠹簡資研搜余重纂湖志載  
 西溪軼事甚夥秦亭山迴十八里荒寒益覺雲

林幽古樾繞磻香漠漠鼓篁夾浦風修修蒹葭深處花似雪  
團茆鐘梵殷清秋遵涂纔容柳栗杖短笻頗礙沙棠舟江村  
詹事曾卜築僅樊蔬圃兼瓜疇九天 鳳蹕忽莅止竹窗

墨寶騰螭虬溪山嗣是更生色百年嘉話傳江謳華亭小構  
繼其後撚花嘯月情彌適保閑主人愛蕭寂彈琴響殷空潭

湫後驚鶴怨蕙帳冷修蛇赴壑何能留秋勝仙去亦卅載臺  
榭零落山靈愁藥坪蘿徑盡宿莽僅有桑柘濃陰稠呂師蘆

子迭來往誰願栖隱營菟裘

西溪高莊乃高文恪別業  
聖祖臨幸書竹窗二字

賜之華亭張農曹彙西園兼有竹窗之勝其弟大木進士  
嘗以春秋佳日調鶴彈琴於此後漸廢又為魯庶常秋勝曾  
燃花書屋保閑主人則大木號也知君生平本超卓逸思往

往懷盟鷗寢處分明擬安石丰標似欲儕江杯簪豪橐筆侍  
左掖清夜夢祇縈林邱金帛玉友躡雙屐得意妙倩張僧繇

數椽老屋互隱見一枝柔櫓誰夷猶千重楓櫛蔽巖岫三疊  
流瀑鏘琳球對牀聽雨此最勝為乞題句供雕鏤君家本在  
盱水上麻姑翠色凝清眸簫曲烟嵐等畱下蛟湖景物同餘  
不何哉樂志別有在花市花塢為良謀河山大地本心識無  
處不足安鋤耰自嗟絕境久未到耿耿有若魚懸鈎他時乞  
老儻可幸便擬結侶如羊求

慢亭太守以望岫息心卷自荊州寄示索題因成長  
句五十韻追往念舊情詞拉雜蓋不獨為此圖作也

崔君侗儻千人英羣推玉潤同冰清謝傅我昔趨門庭知君  
散藻飄瓊瑛瑣闥春暎紅杏明適我珥筆分文衡

君中辛巳  
會試予為

同考君果振羽翔雲程釋褐惜未窺蓬瀛鳴琴捧檄棲咸京  
憶我奏凱驅麾旌如山燈火經秦城酒闌樂罷懷鷗盟打門

話別旋宵征丙申予從四川回義和鞭日七載盈左遷又復

來西冷書局正直孤山橫足音愛聽登然停予在杭州修西

知府左遷所憾羽翼終難并忽聞姓氏登御屏五馬蹀躞

臨南荆大江西來雪浪轟南北竊據常紛爭昇平歲久勝概

宏迎風畫角開銅鉦楊林石磯掉尾鯨害金漸刷沙洲平相

公節使手所營戊申荆江堤決相國英勇阿公同總督畢公

流始端賴老守蘇疲氓何以眎我素練瑩竟陵一語偏關情

鼓篁瘦石交迴縈危崖急瀑相銚瑋稜鞅箬笠筇杖輕似侶

漁弟偕樵兄竹初昨已辭簪纓詩畫竟得千秋名竹初文敏

以郵縣令乞歸江東二隱豈易成安望逸抱同時傾獨思翔

是圖即其所作鶴京郵堂名主屢更藤花憔悴凋朱櫻門生頭白偶此經

駐馬不于老淚零自惟漁莊近翠汀亦有九點烟螺青草堂

蕙帳愁山靈雲林清賞何時能與君來往攜吳舫詩成月落

心忤忤

題阿少司空彌達尋河源卷四十四韻

乾隆四十七年河南青龍岡湯口合龍未就 上遣

君前往青海務窮河源告祭河神君見星宿海西南

有河名阿勒坦郭勒迴旋三百餘里穿入星宿海自

此合流至貴德堡水色全黃始名黃河又西有巨石

高數丈名阿勒坦噶達素齊老噶達素蒙古語北極

星也齊老石也其崖壁黃赤色壁上為天池池中流

泉噴湧灑為百道皆作金色入阿勒坦郭勒則真河

源也 上令四庫館總裁編輯河源紀畧以昭傳信

君亦自繪尋源小像以志之君歿後子侍衛那君彥

寶出此索題因賦

太皞積金氣上亘成銀潢屈注入九地噴薄迴窮荒透地絕  
葱嶺汗漫經蒲昌併川千七百勢與風雷將潛行穿溟滓重  
出開洗洋敦薨暨泐澤亥步疇能詳張騫既鑿空法顯仍荒  
唐偉哉薛禪帝命使行氏羌遠越甘朵思直繞崑崙旁始見  
火敦腦萬派山之陽宛疑紫微垣衆緯森熒煌昂霄譯其說  
世奉爲典常詎知尚舛謬重源阻殊方後聞枯爾坤沿古曾  
微茫我 皇信神武伐叛收疆梁和卓兩偕德電掃膏隸  
斯阿勒坦郭勒絕徼歸畿疆河源本在回部境內兩和卓滅始得往尋之往歲攝  
提格河溢青龍岡屢塞費薪楗上相籌宣房精誠瘞圭幣未  
獲紓懷襄虎節遣侍從尋源肅蕭蕭薊凌晨被 綸詔卓午馳  
嚴裝風飈入馬足阨塞倖康莊揮鞭邁秦晉攬轡踰甘涼經

過貴德堡忽覩奔流黃鏡天赤色壁百道泉湖湧映空在金  
色知自天池揚真源從此獲德水提其綱洵爲兩戒首下灌  
三門長按以定南針晷度分穹蒼歸來獻 天子喜起增  
巖廊據圖撰紀畧冠簡陳 奎章金堤工亦葺順軌趨扶  
桑嗚呼此盛事允宜刻琳琅君今槃薄羸繪圖晰毫芒獠奴  
負羽箭健僕齎餼糧抗首眎形勢指點窮河湟山川盡顧盼  
雲日生晶光懸弧萬里志意氣真堂堂鯤鵬偃溟渤搶集羞  
榆枋籊雲必騏驥月竈供騰驤胡早騎箕尾談蕩還天閭遺  
容弄廟祔嘉話傳縹緗白頭餘舊侶掩卷空迴腸

題法庶子開文

式善

詩龕圖

簪裾頻歲直 金鑿幽興分明寄考槃  
叢竹千枝蕉十本溪藤作意寫荒寒

吟壇久已建麾幢詩境偏宜近石窗知是不同彌勒住鑄金  
先事賈長江

枯樹疎籬迥絕塵自餘阿段更無人何如添我橫圖裏畧舉  
詩禪話主賓

題申圖南瓦當冊

漢寢秦陵夕照紅祇餘瓦當繡苔中搜羅我愛多文富

余在西安

命人於咸寧淳化兩縣求之遂有四十餘種模寫推君仿古工

長樂長生出未央更傳永奉祝無疆蘭池宮與蜚廉觀未許

斯冰獨擅長

林人朱山排逝後風流絕程魏趙趙錢趙俞俞繼典型三十六

番君最擅分明遺範在丹青時以硃印之

鳴琴纔罷更栽花仙令聲名世共誇晚向涵真高閣裏君有涵真

尚金獨攜石墨自鐫華

秋風汾水隔雲天不分新塋宿草纏三十年餘如一夢摩挲

殘墨更淒然君以乾隆庚辰鄉試出余門下

題祝孝廉西澗墨梅

磨得青螺墨一斗彷彿寒香動襟袖直幹已同松檜心橫枝

更作蛟龍走昔年曾惠羅浮春君曾以紅梅單幅見贈老去猶為席上

珍題罷還君仍一笑歸將紅粉伴閑身

被命入闈與同考諸君夜坐有作

持衡六度主恩偏詩版書叢尚儼然聚奎堂中乃熊孝感詩對歷年主試

諸公和作亦刻於版上殿刻經史及三通諸書依舊陳設武英笳鼓高樓催月曉燈檠小

几放花圓鴻文豈必爭新樣鴛侶何存感昔緣從前屢次同考諸君半已

先老眼況愁如霧裏徧搜珠玉賴羣賢

放榜後李侍講玉漁

傳熊

洪編修稚存被

命督

學滇黔卽招分校諸君小集送行

東華秋杪靄春溫簪紱成行共別樽銀榜乍懸青瑣闥仙車  
竝出紫薇垣碧雞金馬文章古井鉞參旗使節尊從此西南  
聲教遠珠林玉圃接崑崙

送黃通判

秉哲

赴浙江

海澄公次子

屈指艱危共驚心節序遙乞師書獨奉饗士氣咸調家尚傳

三畧官仍壓百寮一樽相送處目斷浙江潮

甲辰夏予奉旨駐邊以防逆

回逃竄而長武兵少無以供戰守欲借兵於興漢鎮君慷慨請行借得三百人以歸椎牛饗士人心大定

題韋鴻臚慎古炳燭課孫圖

往歲題君課子卷課孫近復爲新圖蘭芽玉樹自英發瑤環  
瑜珥爭紛敷小同美秀揚清臚羈巾便已耽詩書浚長說文

有夙嗜意於篆籀分錙銖旁通字林括瑣碎上攷爰歷窮規

模諧聲指事本神解挾策猶向庭前趨是時秋生暑已徂畫

檐晴翠陰楸梧涼風欲起月未上熒熒官燭明銅鋪大翁聞

望其侯如司樂典胄尊京都辟呬告誠慎勿渝庶幾研討成

名儒郎君授易在明湖後來論禮精石渠章句集類互排纂

張淳楊復俱爬梳畧觀大意知不取攷定品節商周初文孫

茲又愛稽古保氏遺術勤芸鋤阿買八分奚足道德柔七葉

真堪譽副墨洛誦奕世繼努力堂構言非誣渥洼晚復生神

駒慎占年七十復得幼子甚聰穎頭角更與常見殊要我置膝頻挽鬚咿嚶

學語陳之無似此娛老洵可娛長生未央齋名稱幽居小欄曲

檻花莢蒨期將驥子一再摩邀我搦管傾醍醐

題錢塘項上舍

溶

集趙松雪所書千字文頌趙中丞

升喬詩冊為趙舍人億生懷玉作

慷慨埋輪志澄清攬轡心蒼蠅空欲玷貝錦豈能侵肝膽抒忠誼謳謔播德音九重頻特擢不用訟唐林

汲黯言何戇師丹道最純松筠寒有節薑桂老無倫遺愛長沙被嘉猷浙水新歸朝持國計密勿契楓宸

敬借吳興字重編常侍文四言儕雅頌千古麗星雲書冊仍孫守馨香典禮殷他時惇史筆正藉攷鴻勳

生朝卽事

東華歸去卸朝紳僕隸謹呼說壽辰荏苒便成垂老客龍鍾猶是未歸人眠餐有暇同龜息筋力全衰學鳥申幸有門生

致語銜杯猶得備廚珍

歲暮送水仙木瓜于劉家宰石庵埔詩以侑之

數朶檀心映碧沙一番風信先去聲梅花雪車冰柱香偏雋臘

酒春燈影半遮洛浦人來耽冷淡邨亭月上見橫斜鬢絲禪

榻公雖慣應為東皇愛物華水

宣城佳種載吳舸數顆微黃薦越窰禹貢未聞同橘柚衛風

何自比瓊瑤筠籠夜暖香真淡菊枕春溫酒半消料得傳柑

多上品微馨聊與伴寒宵木

同作

諸城劉埔石庵

秀啓珠胎蘊妙香不離色界住仙鄉晴雲窈窕生虛白新月嬋娟上晚涼幽夢乍回天半曉伊人宛在水中央朝來

解珮聞輕馥應為微波託意長水

拜賜曾沾貢篚臨香清色正果中琛何人投贈偏酬玉幾處園林競鑄金風露滿盤生遠思芝蘭入室有同心便

因雅贖拈新詠懷古從知發興深木瓜

恭謁 東陵隨躡蹕

淑氣今春早鵝黃蘸柳條雨餘雲漠漠凍解水迢迢 永  
慕垂藝典 新恩屬畫輶桑乾橫蟬螻一路軟紅消

盤山

不盡田盤勝垂鞭喜屢過泉爭鳴洞壑松偃走陂陀埜院三  
春淨 宮牆十景多 行宮內外各有十景 夜來圓月好小住對烟蘿

坐東甘澗望西甘澗作

飛瀑來山頂懸厓澗又分將成千尺雪先破一溪雲苔蘚滋  
清潤松花助苾芬日斜依石坐仙籟靜中聞

晾甲石懷古

千尺雪東晾甲石今晨策馬還經行盤旋鳥道攬奇勝陂陀

十丈寬而平天空竝無松栝蔽地曠絕少藤蘿縈相傳文皇  
東討日貔貅十萬來安營朝鮮小校實凶倍敢以篡弒橫滄  
溟侮亾取昧古有訓義征不諛非佳兵扶餘平壤八總管李  
薛契苾皆豪英莫離支實肆狡詭鴟音蠓臂還枝撐中原征  
調幾竭力未能刻日摧機槍兜鍪已愁蟣蝨集韎鞞更染蛟  
龍腥如荼如火軍勢挫豈免左次迴幽并櫛風沐雨歎盡瘁  
霉濕忍使瘡痍生當時製造盡堅勒細鱗鎖子連輜輶高牙  
大燾拂霄漢朱裨貝冑森光晶七屬六屬匠工巧上旅下旅  
函人能積如熊耳不可計秋陽以暴資驍騰東宮潔衣未欲  
換體卹具見懷師貞吁嗟唐室好雄武三邊撻伐無時寧擒  
渠埽穴賀戰勝裹巾遣戍連孩嬰嚴霜欲下須寄遠砧杵徹  
夜風中鳴裝綿添線皆可念得不息事安疲氓文貞碑石久



排毀雲根尚復畱崢嶸一卷雖小足示戒休侈犀兕還充羸  
後來憑弔作殷鑒庶勿妄議收龍廷

順義

料峭寒猶在韶華節已分

時二月二十八日春分

林深猶積雪山遠未

歸雲薑菜黃將發嘉牟綠已殷茅簷齊候

蹕香篆更氤氳

題錢侍郎坤一所畫曹慕堂古中盤五松圖

後書杖銘爲合

子編修定軒錫齡

兩松植立千層霄兩松屈曲撐狂飈一松蕭散離塵囂疆石

磊磊此何所託根俱倚田盤古霜霰不零元鶴舞薊門勝地

生奇材兩次憶侍

和鸞來靜觀頗愜生平懷拏雲溜雨苔

痕厚五粒蒼然真五友秦大夫封當不受曹公勁節松爲徒

錢公落筆松枝麤水墨繪此清而癯東甘西甘吾最好更上

上方竝雲罩惜未扶筇共吟嘯兩公今逐喬松遊絹素慘澹

空千秋掩卷涕泗雙交流

題汪副憲時齋

承需

按行草布什哨圖

草布什哨真崎嶇僻在絕徼西南隅打箭爐外千里餘北直

大小金川居殲豕乃與貪狼俱合兵儻忽圍其鄧土婦土舍

咸成俘

聖朝興滅大義敷西路進討行天誅南路亦復

森旄旗軍諮祭酒偕馳驅惟茲山水險絕殊層巒漸漸劍槊

如皺而瘦透穿穴脰青紅斑駁纏其膚高峯無頂浮雲鋪懸

厓鑿佛森跣跌萬仞深礮鳴盤盃山腰曲徑分絲繡鐵絙棧

閣遙縈紆君也舍騎從篋輿橐鞬一卒導以趨一卒旁衛肩

戈及數卒相顧揚青臚犛牛鬣鬣裝旃廬重鉤番衆攜行廚

從軍雪嶺良艱虞後來羣醜嬰王鉄悍娶始獲安苗畝此路

誰肯來于于桑經酈註昔未書憑君畫入丹青圖松杉雜沓  
難具摹但驚奇詭供嗟吁蜀道之難如是夫往來我亦六載  
餘

從盤山回卽請省墓出都至趙北口

十載風塵憶故鄉承恩又得省瀧岡征衣常帶山雲碧村  
舍旋看柳色黃雪盡長堤通驛遞冰銷淺渚見漁航分明已  
是江南路酒旆陰中便乞漿

塗次聞彭進士允初之訃

家世科名兩絕倫早年便已謝朝紳肯同北郭稱詞客端赴  
西方覓主人仙露明珠居士傳藥鑪經卷老僧身歸帆定向  
鮑溪過一慟靈牀話劫塵

江布衣鱸濤聲以篆字尚書公註音疏見示

金絲曾記響宮庭內史偏能亂舊經奇字獨詮來始滑古文  
先定弔由靈苦心不惜顛毛白傳世欣看汗簡青比似臨川

還造極獨將鄭學作儀型

吳草廬今文纂言猶采諸說此獨宗鄭君

贈李秀才尚之銳

推步原非一藝工龍門卜祝語非公仰觀自合知休咎垂象  
分明示吉凶已向九章窮杪忽更參八線測洪濛五行洪範  
書猶在要識三才義可通

硯山丙舍

靈巖後一支山景尤蕭寂築此護松楸兼以徠裙屐

梵香齋

雜樹正芬敷空齋益蕭爽香銷梵亦空秋影滿簾幌

棲雲閣

我去雲來棲我歸雲尚住賓主竟難分相與無相與

聞思室

維摩語不傳伽葉花亦捨悠然能所忘秋禽鳴上下

半月池

山泉湛寒碧弦月秋來冷菡萏與芙蓉共伴嬋娟影

雪葭丙舍

重展焚黃禮殯宮邨溪景物昔年同雨晴擺種參差綠秋近

芙蓉淺淡紅小寺數椽危徇右前有淨土庵遠山兩點亂雲東謂橫

雲玉秧田歸去無多路祇任蒲帆一剪風丙舍屬崑山縣境然距家祇六里耳

耳聾

齒牙零落鬢毛宜近斷聞根更惘然牀下何曾知鬪蟻樹中容易誤鳴蟬由來癡鈍歸前輩坐看聰明讓少年稽首慈雲

三昧力入無能所好安禪

秋杪過圓津禪院仿一言至七言體作示慧照

游霽日清秋波澹澹風修修望茲蘭若權我桂舟魚鹽依小市楓荻畫前洲茶瓜劇耽幽興翰墨遍賞名流屈指登高佳節近再攜筇杖躡層樓

曉徵過訪三泖漁莊因邀慧照同游奈山適汪書年

張坤厚典載金冶典鋪昆仲亦至登皆山閣徘徊久

之至千山入周氏山舟堂還過萬壽道院明日復登

清華閣得詩六首

乞假歸邱樊稍得就閒曠屈指素心人攜舟擬相訪迫此二豎憂秋涼轉惆悵何期惠前綏把臂忽神王鏗伉學久充盜碎情彌暢流年四紀餘前游付悽愴好趁燈窗閑一樽盡微

尚

夾深鄭漁仲浚儀王深寧邇來數黃南顧亭三才彙菁英海

涵與地負惟君集其成廣輪辨岳瀆懸象規璣衡峩冠主講

席鼓鼓交嘈吟嗟我久失學炳燭光微熒稍藉望洋歎用紆

談藝情

吾鄉僻海隅峯泖夙稱勝豈惟書畫工兼記園林盛百歲如

風狂荒頽廢巖磴側聞皆山閣頗足資眺聽請移謝公屐躡

此幽人逕閣在東余陳眉公所居深池既澄泓高臺更明淨疏籬間短

徇花竹清而瑩俊侶亦偕來支頤互言詠

千山殊窈窕佚老昔此居流傳自元代扁額鷗波書問年閱

五百萬卷森瓊琚邇年曾進御 天章賞其廬層樓志來

兩朝夕雲霞舒惜哉山中人先後歸黃壚千山周氏世有聞人藏書最富其山

舟額為趙文敏公筆乾隆三十六年詔求遺書因以善本

數十冊進呈嘉之賜佩文齋韻府一部並御

製詩石刻詩中有來雨字周氏遂以各其樓旋登阿蘭若蔓

仲育秀才曾從子游今其父子已俱下世矣草蕪堂除摩挲金剛塔書陸文定陳眉公皆列各助刻碑

今在圓智寺夕照明邨墟

歸帆指江城飛閣現林杪遂詣羽人居扶筇事幽討蕭蕭別

館閒漠漠芳池遶攀牋待染翰開燈薦清醪畫理溯微茫琴

心悟幽悄時孫君衛在坐年七十酒罷送登艫霜落寒鐘杳

初暘映沙觜還游墨華禪高閣聳溪側替戾空中懸寶章在

檐際清華閣額近與珠宮連迴環翫名蹟瀏覽懷昔賢更飮

蔬筍味庶結香火緣行行忽興盡小別情悵悵遙思石湖畔  
紅葉應未湮再當偕宗老謂鳳晴放權同洞沿  
舟過吳門汪藕堂與置酒款留感賦

帆落江干晚泊船稱觴惜別共留連風霜又指三千里露電  
空嗟七十年兩部笙簫思舊夢庚子春扈 蹕過吳 一行燈

火啓芳筵夜闌更渡吳楓去回首高齋倍惘然

七十初度是日泊舟惠山下予乞假還吳得暴下疾 又病牀經月未能消假

雲坡司寇來書具述 聖明屢次 垂 問因復北行將面陳衰病乞 賜懸車

七十猶憐未拂衣此行西笑對斜暉九龍山近隨帆轉一鴈

雲寒背客飛詩卷空吟前度句園林又覺故人稀四十四年 顧華陽周

抑亭招飲于寄 暢園今俱沒陳情定得蒙 恩許還向吳淞舊釣磯

獨酌第二泉酒有作

殘年七十客中經獨取名泉倒醲醑雪似戲人頭並白早間 微雪

劉禹錫詩雪裏 高山頭白早山真愛我眼終青已過南至開長日時十九 日冬至

休說東方是歲星意況小船差足樂何須絲竹溢門庭

望魚山上有神女祠下有陳思王墓碑在祠內字兼

篆隸頗怪偉

曉日魚山上烟巒路透迤相傳公子墓猶近女郎祠名著三

分國文存七尺碑如聞梵唄響隱隱訴憂疑

過河間韋明府靜山協夢以近時所著見示因題三

絕

征途日落解驂駢盥漱風塵尚滿衣忽得硬黃三四幅挑燈

默對已忘機

微言本是易中傳九世明經付後賢更勸存心兼養性便從

夜氣泝先天靜山為同年慎占鴻 臚子曾有授易圖

麗譙更漏已傳三茶冷爐溫更其參如此驛亭如此夜不知

誰解作清談

題伊光祿雲林

朝棟

梅花書屋圖

時光祿以病乞假將歸

清卿夙世梅花仙，空山流水成因緣。竭來東華二十載，幽興  
祇在叢梅邊。長汀峯下風景異，香雲香土清而妍。茶爐藥鼎  
更修潔，茂林美箭紛芊絲。就中疎枝數百本，香嚴水月均通  
禪。老漁斜挂溪畔網，么鳥時啼朝來烟。人間勝地有如此，軟  
紅詎屑污吟鞵。掉頭一笑因病假，欲返小築依幽巒。孤筇短  
屐稱幽討，繩牀紙帳酣春眠。生綃三尺寫岑寂，展看已覺情  
愴然。我家亦傍蘭筍，山住寒塍短。徇茆三椽春頭臘，尾冰尚  
堅雪幹早向書窗穿。羈心屢託深夜夢，投老今荷天恩  
憐。雙帆風利俱歸田，他時巡檐索佳句，為我遠寄吳淞船。

題億生舍人古藤書屋冊二十六韻

古藤老書屋，傳自竹垞翁。海波寺街左，鐵幹森虬龍。後來有

瑤圃

丁瑤圃名壽山東諸城人官戶部主事曾居此

藤下開房櫳，我嘗往跡之。未免

愁蒙茸，卑者或墜地。高者纔升墉，偶覘新葉坼。詎獲清陰濃

歷年百十載，漸欲迷前蹤。舍人今此住，闕徑除荒藪。墁巧飭

料匠灑，埽呼羸僮。前榮皮畫墍，曲室懸絲桐。旁根忽迸出，汲

井催連筒。高棚架巖臬，僵石堆玲瓏。定知初夏候，瓔珞盈窗

東。往聞琉璃廠，一本垂龍葱。傳為漁洋植，麗殺疑相同。奉常

作橫卷，吟賞邀羣公。邇來亦衰謝，僅弄丹青工。

琉璃廠火神廟夾道旁有

竹垞昔解組，小住淹春冬。水村青士輩，昕夕恆過從。墨華恣

飛灑，篇什爭豪雄。君也踵其後，將為風騷宗。佳話可舉似，軼

事欣重逢。惜我已投老，取次還吳淞。苦羨花放日，褰屐來雍

容。共把蚶蛤管，狂倒玻璃鍾。

容共把蚶蛤管，狂倒玻璃鍾。

送家荔亭

錫奎

赴潁州府任即寄石君中丞

橐筆才名久分符委任專左幡清潁尾何以繼前賢地豈豪  
强患官應教養先故人知念我款曲問歸田時予乞休已蒙恩允  
巧宦工何益肫誠久自孚上常謂中丞所奏必無欺飾如君求政要即此  
是良模輿誦鄴邱路春帆潁口湖三年書報最飛札寄潛夫

除夕

抽身正值太平年臘鼓春飭歲序遷閒適樂天有詩敢將先哲  
比衰遲終荷主恩全不教樊素隨齋閣畧喚宗文進酒  
船佳話獨悲親勿逮香燈守盡更淒然

春融堂集卷二十一終



